





周官自注疏外宋維王東
訂義八十卷編集凡五十一
家可云詳博今其書刻通志
堂經解明有郎完白注釋古
周禮六卷雖云全書義例未
免簡畧我



朝稽古右文

欽定周官義疏包舉百家斷自

睿裁至醇且備願承學之士率安

苟簡稍解傳誦亦祇坊刻節

要諸本闕觀云陋甚無取焉

余膺

命典學江左頻年與諸生切劘庶
幾留心誦習然求其淹貫者
尚鮮非夫卷帙廣衍多識而
未領其要歟當塗司訓連君
乃謹就

欽定本博綜約取首登

聖制次輯注疏末叅摠論名曰纂
輯周官精義凡十二卷實能
補注釋所未備而視訂義為
益精其引進後學用心可為
曲至稿成是正於余余亟加
審定屬其付梓以為初學塾

本讀是書者誠能熟復精思
了然心目循是而之並有以
通乎義疏全書斯亦先河後
海之旨也

乾隆四十一年秋七月安徽
督學使者梁溪秦潮序

聖朝
晉學與昔采采秦隴

漢劉四十一平妹士民

樂之昔也

與平美觀全書棋亦夫

了然以目節是而之並育心

本齋是書昔始論燕對辭思

周官精義目錄

第一卷

總目

凡例

聖制日知蒼說十則

欽定周官總辨八條

第二卷

天官冢宰上

第三卷



周官精義
卷一
天官冢宰下

第四卷

地官司徒上

第五卷

地官司徒下

第六卷

春官宗伯上

第七卷

春官宗伯下

第八卷

夏官司馬上

第九卷

夏官司馬下

第十卷

秋官司寇上

第十一卷

秋官司寇下

第十二卷

考工記

周官精義

凡例

一國家以制義取士習舉業者五經而外惟周官取用
爲多而周官中各家註疏尤足擴學者之識見助其
才華我

朝

欽定周官精微廣大本末鴻纖無不備舉第初學畏其浩煩
每束之高擱不肯卒讀而坊本樂趣簡易概從刪節
致使學者徒知訓詁其文辭無由會通其精義用是

悉心斟酌輯爲此編較全書爲稍減視坊本則差備
矣

一是書素名周禮

欽定引漢志改稱周官蓋此書所言者雖周家之禮而所分
者實**大官**之職也故遵**曰**周官以還其舊

一六典廼成周一代致太平之書垂爲萬世灋者也伏
讀周官所載

聖制日知蒼說十則獨能灼見治本深契道揆爲第六典者
之準的自當家絃戶誦另爲一編謹借錄全書以冠

篇首而

欽定所載總辨八條亦洞徹古今用附於後俾學者知窮經稽古當獨抒己見不可步趨隨人

一是書註疏最繁

欽定所載正義以下七類原宜逐條全讀但一人一說一說一義初學殊難折衷今萃薈衆說貫以一氣文從其簡義要于括務期學者易讀易曉佔俾之士若欲博綜諸家恥爲章句則全本義疏具在卽以此覆瓿亦可

可

一是書義蘊精深皆元聖兼三王施四事夜以繼日所思而得者昔人所以嘆爲天理爛熟之書也學者必將於命官分職內深思其精義之所在夫然後於陳編故紙中發爲光氣焉伏讀

欽定周官於先儒之卓識名言亦旣采爲總通餘論矣復獨出

聖裁發前人所未發真能與元聖制作之初心若合符節其識見之高深議論之廣大與五經均足並垂不朽故不憚繁重盡登諸篇中其有運用于注中者則不能

明載其有偶從割愛者以限于篇幅非敢有去取也
一書名周官無論三百六十職各闕緊要卽序官中府
史胥徒等其人數之多寡皆足徵所事之繁簡毫不
容缺學者以官在於前事在於後每畧而不觀一似
序官數十頁俱爲贅設者若從坊本盡行刪去則是
但有建其正立其貳設其考而無陳其殷置其輔矣
因將序官之目其人數各盡附於本官之下旣不苦
贅亦不嫌畧當代鉅眼幸鑒此苦心勿以移置經文
爲罪

一 是書爲初學服習起見務期在在醒目故於經文官
名之上則以直方爲界於輯注總論通論餘論之上
則以橫方爲界至輯注與諸儒議論槩用小書雙行
經文與

御案則並用大書單行一尊經一崇

聖也

一 經文多奇古難識其一字兩音一音異用者視他經
尤夥茲編音切悉遵

欽定俱明注於本文之下俾讀者寫目卽了不待讀至節終

始見其或一注之後不復再注讀者當因彼識此以
意會之外有郎氏兆玉總錄奇字一篇併附於後

乾隆乙未年十月朔潁川連斗山叔度氏謹識于姑孰

官署

篋 箕

男簽 策校字

竹 筍

金陵李士果刊

周官精義

卷一

凡例

四

名之上身以取才為象於時
則以補才為象主補定與請備
經文與

吳楚 策林字

曾 箕

官署

神劉了未平古良既既川並平山地奧刃藟精于故粹
意會之似有腹刃炎王縣給清字一益會制伏資
敬其迺一此之發不貳再此請香當因於精此以

周官精義卷一

恭紀

聖制日知薈說十則

大宰統百官。其專司也。而以九職任萬民。則司徒之事。而仍為大宰所統也。大宰之均四海。於凡九職之事。九職之民。莫不使之安其閭里。足其衣食。無游手以失職者。無饑寒以失業者。無背禮而棄義者。無奇巧以惑眾者。夫如是。則敷天之下。罔不率俾。五穀以時。庶物遂生。所謂因民之利而利之。而民之蒙利已無窮矣。或謂周禮為理財之書。雖大宰亦掌其



事。不知先王言利利在民。後世言利利在官。安可以後世附會之說。謗先王之良濃美政哉。

周禮天府掌祖廟之守藏與其禁令。凡國之玉鎮大寶器藏焉。獻民數穀數則受而藏之。先儒以爲重民穀之事。與玉鎮大寶同。而余則以爲有過之無不及也。何則。國以民爲本。民以食爲天。民食足而後教化興。教化興而後國治安。國治安而後祖宗之器得以常守而弗墜。是民穀之數重於守器也。且欲周知民情。莫若周知民數。欲周知民數。又莫若周知穀數。蓋能周知穀數。則歲之豐歉可稽。民之生齒可考。由是均

其土壤定其邑里秩其多寡乎其政令舉天下之大而燭照數計兼并者無所容其巧也先王於其登獻之時必拜受而藏於天府不以是哉

周禮寓兵於農時無養兵之費然以戰陣之事教耕鑿之民日教之則勞月教之則疎而當時不見其害者以處之得其當也大司馬掌四時之田仲冬大閱前期羣吏戒衆脩戰灋則春蒐夏苗秋獮視此矣數月之中而以數日脩戰灋則民不勞前期試之則民有餘暇必朝夕自試於坐作進退刺擊之灋可知

周禮遂人治野。以下劑致阡。蓋阡或自六鄉徙而出。或自侯國徙而來。無田之可耕而輕去其鄉。必皆逐利以居者也是。必有以還定安集之。使有恒產而後有恒心。且六遂在鄉之外。其去王都也遠。其爲土地也博。故其致阡雖受田有上中下之殊。而及其會之。惟以下劑爲率。而可任也者。家僅二人。則所以優之者至厚。此天下之民皆悅而願爲之阡也。然田有上中下之差。而任之一準。以下劑人又孰肯受其田之下者。是徒以利起民之爭。而政亦不平。故其後又繼之以辨野之士。田均百畝而萊則有五十畝。百畝二百畝。以上中下爲

差焉。夫遂人安甿以田里。擾甿以樂昏。教甿以稼穡。利甿以興鋤。勸甿以時器。任甿以彊予。而終之以土均平政。致之之後。所以安定教導之考。又如此其備。於是無恒心之甿。悉化而爲有恒心之民也。豈僅一招致之術哉。

小行人之職。令之以五物。巡行諸國。而辨異之以反命於王。俾周知天下之故。至五物之終。有曰。以康樂和親安平爲一書。非誇政治之美。而張大其辭也。蓋以民莫不欲康樂其室家。和親其宗族。安平其鄉里。而好爲背禮棄義。以于犯瀆紀者。凶荒之苦。政治之乖。有以驅之。而遂以灋繩之。此小民無

知而干憲典者。所當哀矜而拯救之也。周公以爲利害之興。除已當。政教之養恬靡遺。人事無悖逆之失。天道無凶荒之厲。然後可收康樂和親安平之效。而大同之風以成。其尚有未周。則必精察其故。或兢兢張弛之有悖。以致天譴而釀民患。兢兢靡寧。乾乾惕若。俯仰跼蹐而不敢少康。蓋導王敬天勤民之本。均在於此矣。

周禮籥章。凡國祈年於田祖。則敝豳雅擊土鼓以樂田畷。按豳雅之什。曰誕后稷之穡。有相之道。所謂輔相天地之宜也。蕝厥豐草。種之黃茂。卽其事也。必人事盡於下。然後有以輔

成帝命率育之心而黍稷實穎實粟故能爲酒醴以祭先祖而洽百禮其詩曰壽考維祺以介景福樂嘉報之無已也而籥章歛此以樂田峻卽所以樂田祖也田峻者古之勞農勸相司嗇教稼嘗有功於農事爲田祖所佑者也祈年於田祖而歛幽雅擊土鼓以樂田峻蓋云田峻是享庶乎有以佐神農氏之治而興我稼穡云耳且歛爾以祭舉國之民皆與焉於是乎得聞先王重本勤民康功田功之事先民勤勞稼穡以祇率懿訓之休而東作西成競相勸勉惟土物愛罔敢怠弛盡人事之勤獲天時之報此又周公制禮之本意所以爲

萬世勸農之灋也歟。

周禮禁原蠶論者謂蠶馬同以天駟房星爲祖物莫能兩大。再蠶則蠶盛而馬耗。禁之所以蕃馬也。蠶旣與馬同氣恐蠶盛傷馬。獨不恐馬盛傷蠶乎。意者校人祭天駟而馬質掌馬政。使竝掌蠶禁。所以禁原蠶者恐其氣竭。則來年之蠶不能蕃滋。所以節盈虛消長。以爲阜物育材之本耳。寃而言之。蠶之爲用在民。而上供絲枲。則仍入乎官。馬之爲用在官。而成羣阡陌。則仍利乎民。聖人之政。亦唯斟酌損益。與時偕行。期于政脩物阜而已。又何容心于蠶馬之分步。

周禮夏官司勲掌有功者於其生也銘書於王之大常君牙
所謂厥有成績紀于大常是也於其沒也祭於大烝盤庚所
謂茲予大享于先王爾祖其從與享之是也然考司勲之職
國功民功皆在所等而官獨列于司馬者尤見先王敬軍事
慎戰功之意易師之上六曰大君有命開國承家小人勿用
師之終賞之慎也以爲非是不足以爲勸也

周禮小司馬軍司馬與司馬行司馬之官其所職掌不具載
此如冬官之文缺耳或以爲運籌帷幄決勝千里是在臨時
應變非可勒爲成書依而行之者故秘而不宣非也周官所

載政事之顯然者耳。臨陣之幾，非書所能載。亦非體所宜載。雖諸職具存，亦不宜有此也。若有此，則宜見於主軍之大司馬，不宜散列羣職。以是知其爲缺也。聖人之政，豈有隱哉。

周禮膳夫酒正。王及后世子不會之文。後世有必不可行之勢。而行之。且必有害者。蓋大宰以九式佐王均節財用。四曰羞服之式。所以量人爲出。定爲灋式。使無奇服異味。酣飲之失。則不會而猶會也。第不令膳夫酒正以羣有司而準灋。以沮王及后世子耳。唐太宗興國之君。過信經義。詔令太子用庫物有司。勿爲限制。馴致承乾驕奢過度。不終其德。後雖悔。

之不可及也。是猶公羊復讐之說。誤用於漢武之世。而征伐之禍興。王安石據國服取於民之說。神宗信之。而青苗之弊劇。皆不善濫古之前鑒也。

周禮大司樂奏黃鍾歌大呂以祀天神。奏大簇歌應鍾以祭地。元奏姑洗歌南呂以祀四望。奏蕤賓歌林鍾以祭山川。奏夷則歌中呂以享先妣。奏無射歌夾鍾以享先祖。禮從其宜。周禮固不可強同於今。但六樂相配亦非無其義。因思黃鍾子也大呂丑也。子與丑合。故奏黃鍾則歌大呂。大簇寅也。應鍾亥也。寅與亥合。故奏大簇則歌應鍾。推而至於無射夾鍾。

莫不皆然。蓋月之斗建與日之躔度相配合之位也。賈公彥疏云。奏據出聲而言歌。據合曲而言其實。歌奏通也。此語則似有訛。夫清濁同均者尚不可合用。豈有清濁不同均而可合用之理。蓋既云奏則但奏其樂而不歌。既云歌則始作樂以合人聲耳。奏與歌自必各爲一事。惟奏以黃鍾爲宮者。歌時則以大呂爲宮之樂配之。奏以大簇爲宮者。歌時則以應鍾爲宮之樂配之。如此則無所謂礙難施行者矣。

周官總辨八條

周官晚出。東漢以後。儒者多排擊。謂劉歆附益以佐莽。至宋

胡氏安國父子則直以爲歆所僞爲自程朱二子斷爲非聖人不能作其論始定而其間決不可信者實有數事焉十一者三代之中正也周官九職貢物之外別無所取於民而載師職則曰近郊十一遠郊二十而三甸稍縣都皆無過十二疄之出于市者惟塵布罰布耳其總布則民間賒買之所入也而塵人職紵布質布別增其二司市職曰以泉府同貨而斂賒則周官之灋惟有斂有賒明矣所斂不售之貨惟民有祭祀喪紀然後得賒冠昏賓燕雖賒不聽也而泉府職則曰凡民之貸者以國服爲之息夏秋二官歲疫禴蠱攻穰蠹去

妖鳥毆水蟲所以除民害安物生肅禮事也而以戈擊墻以
矢射神以牡禘象齒殺神則荒誕而不經至于媒氏仲春之
月大會男女奔者不禁則雖亂國污吏不能布此爲憲令也
軍刑之誓大史曰殺小史曰墨三軍之勝敗豈係于交兵之
時日淫刑以逞亦不至若是其不情也竊考漢史見畝與其
黨頌莽之功曰發得周禮以明因監而公孫祿數畝之罪則
曰顛倒五經使學士疑惑乃以是數者按之莽之亂政則一
一相符皆若爲之前兆必畝承莽意而增竄之非其舊也因
覆按諸職之文削其爲與莽事相類者則皆理備而義完其

辭氣亦前後相承無間。五官之文明白精粹。其事皆聖人運用天理盡精微道中庸俟諸百世而不惑者矣。其說具詳本職俾尋覽者便焉。

司空之篇亡。自漢以後無異議。晚宋元明諸儒乃分割五官以爲事典。自朱子已辨陳氏傅良之誤。謂行人宜屬秋官。職方宜屬夏官。而俞廷椿吳澄乃益鼓其無稽之臆說。獨不思是經所謂辨方正位。體國經野。正司空之職事也。五官之中。惟司徒司馬與司空聯事。而各有專司。不可以相代。凡大役。鄉師帥民徒而至。而興事任力。則有司空之辟焉。鄉師不得

而與也。古者大役卽用卒伍以軍。灋部勒。故大司馬與慮事而屬其植受其要。然曰與慮事則主其事者惟司空明矣。而今所謂司空之辟與事安在哉。川澮溝洫之數。遂人量人司險。雖與議焉。而司空之灋所以曰山導川築防規。堰要縮道路。以設關。罕時式險。易以傳衆力者。諸官無有也。王畿侯國之封疆都鄙之室數。司徒司馬及其屬雖與議焉。而司空之灋所以別郊關之遠近。定四民之遊居。相城邑之面勢。立興作之程期者。諸官無有也。至於郊廟壇壝。宮庭朝市。官府次舍。倉府廩庫。司空之功作既成。而後百官有事焉。禮樂賓祭。

之器。軍旅農桑之具。車旗服物之等。司空之程式既定而後。諸職稟承焉。諸儒乃妄割五官以爲事典。徒使五官之職事廢缺不完。而於事典之實用。概乎其未有當也。且散見於經者。若鄉師所涖之匠師。儀禮大射之工人。士梓人。覲禮之齋夫。五官無列也。則別有司空之職。而今亡也。決矣。昔朱子於謂詩序宜遵者。終不答。蓋惡之深。屏之力也。故於諸說之謬。悠。概置而不論云。

注釋三禮。康成鄭氏之功甚鉅。而其過亦不細。蓋王安石所以襲迹于新莽而禍宋者。多依于鄭氏之說也。康成注九賦。

以爲口率出泉。注門闕市政以舉爲官沒其貨注國服爲之
息。曰貸以泉息以泉而安石剝民之政。皆託是而爲之。自康
成之注。王曰一舉也。辭不別白。疏者以爲日舉大牢共百二
十。籩之醯醢。安石因之有備物之說。自康成以王后世子不
會爲優尊者。安石倡之。而蔡京童貫王黼恣焉。以速北宋之
亡。經義之不明。其禍遂至于斯極。可不懼哉。夫口率出泉。漢
灋也。周官無是也。閭師掌國中四郊之賦。而其職曰任農以
耕。事貢九穀。圃牧工商。虞衡嬪婦。各貢其所有之物。則農自
九穀以外。餘七職自所貢之物外。別無所謂賦明矣。沒民之

貨而入於官。漢之亂政也。周官無是也。春秋傳曰仲尼使舉是禮也。以爲多文辭。管子曰以時稽師馬牛之肥瘠其老而死者皆舉之。則舉乃登諸冊籍之謂爾。况質人所稽者書籍所考者度量淳制。而曰犯禁者舉而罰之。則舉爲登諸冊籍而不可謂沒其貨決矣。貸民以財使治產業而計其贏餘以收息者。莽之亂政也。周官本有賒而無貸。康成不能辨而謂貸泉出息。一以園廛郊野受田之地爲差。是爲國服。以誣聖灋。傅莽事而啟安石之愚迷。不亦悖乎。至于王日一舉。舉少牢耳。醯醢六十。朔月月半共之。以爲旬有五日用者耳。

大司樂職曰。王大食三侑。則日一舉之。爲恒食明矣。若恒食日舉大牢。則朔月月半之大食。何以加焉。王后之膳服。不會飲酒。不會膳禽。不會以具於大宰。羞服之式者。品數有常。無所用其會耳。非縱其欲而不爲之限度也。至于世子服。不敢備。則服會飲。無常期。則飲會膳。無加獻。則禽會。以其有無多少。疏數。惟王所命。而無常式。故也。其與王后同者。惟朝夕恒膳。品味有常。故無所用其會耳。然如此類者。在鄭氏賈氏則訓釋之疏。而在安石則心術隱微之病也。安石雖于道未有聞焉。而於文則晰矣。其言祁寒暑雨。民猶怨咨也。舍先王思

圖民艱之義。而謂民怨不足惜。以惑主聽。而閉民言。則其價
周官與注疏之說。乃明知其非。而借之以售其術耳。是亦不
可以無辨也。

周官詳於關市山澤之政。世儒以爲疑。蓋習見莽歆安石浚
民禍世之酷。而不知周公遵用天理。所以開富教之源。以正
人心。而厚禮俗。蓋以是爲根柢也。自市政廢。而貨之無當於
民用者。十四三其作之也。以時力是奪民功也。其成之也。以
百材是暴天物也。其用之也。滋淫侈。是敗民德也。自山澤不
掌於官。然後愚民非時妄取。不俟其成。而竭用之。然後盜竊

公行有司置而不問。由是山彌望而皆童。陂塘少遠於宅舍。卽任其淤墊。耗者多而物生之源益隘。能無匱乎。况乎商賈。籠難致之貨。豪民擅山澤之利。力過吏勢。享竝侯王。有司因此以鬻瀆。胥吏因此以作姦。工非淫巧而不羸。農遇豐穰而常餒。人心日競於奇邪。禮俗日趨於衰惡。皆職此之由也。周官之立市政也。聯門關以譏不物。無者使有。利者使阜。害者使亡。靡者使微。卽是四者。而所以消游惰。備天災。厚民俗者。備矣。而且治質劑。辨名實。屬遊飲食者。有禁。貴而過市者。有罰。而以息詐僞。防黠嫖。嚴禮範者。周矣。凡此者。皆所以養民。

教民。而上則一無所利之也。於門征商之貨。則不征其塵。於
關市征賈之塵。則不征其貨。而門關之財。則以養死政者之
老。與其孤。市之征布。則以斂不售貨。而買者各從其極。則皆
以利商賈。利萬民。而上何所利哉。周官之掌山林川澤也。官
爲厲禁。時舍而巡之。犯禁者有誅。竊木者有刑罰。所以禁耗
敗也。斬材之期。日官令之。財物官頒之。所以息爭端也。然守
之者官。而用之者民。雖骨物羽鬮草貢葛材之微。猶以當山
農澤農之賦。而萬民之斬材與受澤物之頒者。毫末無取焉。
聖人之心。豈不昭昭然若揭日月哉。至於門關市肆。所以不

能無征者。蓋以九賦任萬民。有職則有貢。無緣偏厚於商賈。且懼所得過贏。而民爭逐末耳。如少有利之之心。則山澤之利。豈特十百於關市之征哉。聖人忠於利民。而盡萬物之理者。後儒宜詳考經文。深思其義。而毋輕駢臆說也。

周官刑典。有束矢鈞金之入。有盟詛地牲之共。世儒多以為疑。不知理與灋時有所窮。匪是則所以怵姦欺。靖鬪辯者。猶未備也。所疑於鈞金束矢者。不過曰若是則貧民無所赴訴耳。夫周官之灋。自鄉遂公邑都家。以及門關市肆。凡訟獄皆其地有司聽之。又設肺石以達。博獨老幼。豈慮其無所赴訴。

乎其造於大司寇而求伸者必事久變生如書所稱單不記
所謂有言無簡者耳故曰以兩造禁民訟以兩劑某民獄則
所禁乃兩造兩劑之不具者明矣入矢以明直入金以示信
非徒使之重失負也古者議事以制而刑故無小故辯濫而
不信則刑之辟藏而不信則刑之重與之要而非直非信則
罪必有加焉所以使之內自愧而中止義不克而私服也若
兩造兩劑之具備則有地治者聽決而立解散之矣若有地
治者聽決不足以服其心則當赴愬於聽治之士其遲以旬
月正爲此也使職聽者而有枉撓則司寇親聽於外朝羣工

司刑皆在獄訟者皆得自言其情何爲復設人束矢鈞金然後聽之之瀆哉。至於按之而不得其迹聽之而不得其情不得已而使之詛盟。又所以盡五聽之變也。臨之以鬼神則其視聽辭色必將有變焉。致其地域之衆庶使共其牲衆爲之勤而各有出焉。則或有知其事而相証者。卽此亦無徵而播其變詐於地域之人。他日將不相保受亦姦人所不利也。蓋惟聖人智周萬物故能極情僞之變而以濟理瀆之窮。是以易象金矢詩言三物。虞夏之前已有詛盟而乃以是妄議周公之瀆哉。

魏氏了翁在宋儒爲明於周官之學嘗論兵賦謂司馬遷乃
齊穰苴之書而康成以證周官果若所云則井田爲厲民之
政夫穰苴所述果成周丘乘之政與否今無可考而以旬也
長較一乘爲厲民是未講於成周之兵賦也蓋魏氏生南宋
之衰習見夫民生之苦病百物之凋殘以爲旣用其身以備
戰守復責其財以共車甲馬牛兵器民何以堪不知以秦漢
之後較之三代以前材物貲產之在官在民國事家財之所
存所費皆異勢而殊形非通計而實知其分數則羸絀之情
不可得而見也蓋自井田旣廢環海之中十九皆隸農耳耕

者無田而有田者不耕。耕者倍貸以具牛種育妻孥而不耕者坐收其歲入之半。故耕者窮。不耕者以其半而出租賦給踐更百役。有司多求以困之。故自貴人富商而外不耕者亦窮。若夫成周之世。則助耕公田之外百畝所入。絲粟皆民有也。公旬三日之外。暇日皆民所自營也。四丘之衆。約數百家。賦兵之始。家出歲入之十一。而車甲馬牛兵器旗物。應時而立具矣。自是以往。歲時繕完。視始作之費。多不過三之一。况古者公家無禁利材木。取諸山澤。絲枲成於婦。功所費民財。不過金鐵皮革膠漆及工事之齋耳。豈若後世百物財用。非

出泉布以求之於市肆而必不可致哉。至于馬牛之畜以供任載以糞田疇。又農事所必需而時出之以爲師田之用者。也。魏氏之學尚爲求濟於實用者而爲說之鹵莽若此。以是知聖人運用天理以濟民物之道不獨非其人不能行亦非其人不能知也。

歐陽氏修謂周公設官太多。王畿之內計十四萬有奇。攻周官者多據此以爲不可易。夫五官之屬其數具在本自無多。修所計者乃鄉遂小吏閭胥鄰長之類耳。不知成周之治所以能使天下爲一家中國爲一人而至於刑措者皆恃此閭

族黨州鄉之灋以爲之樞紐也。蓋治教禮政刑事皆起於二十五家之長。黨正族師相監之吏。卽其鄉之人也。歲時月吉所布之憲。卽其民之家事也。以徵財賦。則催科不擾。以起徒役。則呼召立通。以相保受。則姦宄難容。以掌撻罰。則禁令難犯。以證獄訟。則欺詐立明。以詰盜賊。則追胥相比。其用意尤深遠者。以修農功。則民可移用。以救天期。地澤之愆。而土無遺利。以興賢能。則與衆共之。以考德行。道藝之實。而士無匿情。以教禮俗。則恩義可以日深。以治兵守。則急難可以相死。昔朱子讀地官司徒之篇。而歎成周盛時學校教養德行道

藝選舉爵祿。宿衛征伐師旅田役。只爲一事。其所以能聯爲一事者。則比閭族黨州鄉之濶也。若修所病於設官之多。不過謂無祿以給之耳。是未察於古之田祿與後世異。而鄉遂羣土之爵與祿。又與主朝之士異。蓋古有不命之士。有無田之士。閭胥比長。皆耦耕之民也。以其材力少優。故進其爵。等以率其曹伍。雖曰中士下士。不過如秦漢以還之民爵耳。必至族師以上。所轄稍衆。其事較繁。不能躬耕於隴畝。然後倍授之田。俾任餘夫。備閭民以代耕。又其上則再倍焉。惟州長逐大夫。然後取於所在公田之入。以祿之耳。何休述井田之

灋曰凡邑中戶八十則有父老。有里正。皆倍受田。雖所述或
衰周之變灋。而循數推理。則成周鄉遂公邑都家之吏祿。大
畧視此矣。夫王畿之內。提封于里城郭涂巷。三分去一。而外
授田六百六十萬井。雖閭胥之屬。盡益以田。不足爲廣隘。而
况斷自族師以上哉。自比閭族黨州鄉之制廢。官與民不相
習。而灋不足以勝姦。百事之無統紀。皆由於此。脩不能究其
本源。而轉以周公之灋爲疑。多見其昧于治體矣。

馬氏端臨有言。賒貸者

周官有賒而無貸辨見
泉府職宜易爲斂賒

三代之時。非

特周公之聖可行。雖中材能行之。三代以下。非特王莽之矯

詐安石之執復不可行。雖賢哲亦不能行。以封建變而爲郡縣。吏治民情與古懸隔故耳。豈惟賒貸哉。凡事之委曲繁密者皆然。一歲之中州長讀灋者三。黨正五。族師十。有二閭胥則凡聚衆庶皆讀焉。夫家之衆寡貴賤老幼廢疾以及車輦六畜兵器旗物。小司徒稽之。鄉師稽之。鄉大夫登之。閭師掌之。族師校之。閭胥數之。耕耨有趨。女功有稽。千里之內一事之失宜。一民之不率舉可知也。由斯道也。則上下清明。衣食可殖。禮俗可興。然惟古之時。治不出于州黨族閭。掌地治者卽其鄉之民。而無府史胥徒則可耳。後世行此則呼集奔趨。

家至戶籍胥役倚瀆以相蹙迫。而民不得安其居宿其業矣。遠行必有節傳。近徙必有節授。無節傳則不達。無節授則圜士納之。由斯道也。則盜賊無所隱遁。逃無所之。然惟古之時。民皆士著。遠行者惟國使及商旅。近徙者不出其鄉。斯可耳。後世行此。則門閭壅闕。廬宿莫容。行旅怨咨。官徒馳驟。而日不暇給矣。山澤之農。卽徵其齒角骨物羽鬪絺綌葛材草貢。以當邦賦之政令。由斯道也。則可以寬民力。可以阜民財。然惟王畿千里。四面輻輳。計日可達。且所徵皆輕細之物。斯可耳。漢武易之以平準均輸。百物皆徵。轉運萬里。計民所費不

管賦加十五。黎民重困。其明驗也。夫周官之濶。委曲繁密。皆
聖人忠於利天之心。因時體物。而無微不達者也。管夷吾治
齊。一變為簡節疎目。而有識者以為得周官之遺意。世儒不
通時變。乃務舉鎖細之濶。以議周官。皆所謂道聽而塗說耳。

外要

外人

命師

獸人

獸人

獸人

獸人

獸師

食醫

疾醫

瘍醫

獸醫

酒正

酒人

漿人

漿人

酒人

酒人

酒人

酒人

家至戶籍。胥役倚憑。以相壓迫。而民不得安其居。宿其業。夫
老行必有節。傳近彼必有節。授無節。傳則不達。無節。授則不
士納之。由斯道也。則盜賊無所隱。遺逃無所之。然惟古之時
民皆士著。遠行者。惟國使及商旅。近徙者。不出其鄉。斯可耳。
後世行此。則門閭。壘闕。廬宿。莫容。行旅。怨咨。徒號。隊而日
能。和。變。氣。存。黎。民。之。憂。以。請。和。官。有。和。時。能。離。而。坐。筵。耳。
齊一變。而。前。稍。和。目。而。齊。潔。者。以。爲。吾。國。官。之。後。意。也。謝。不
聖人忠於天之心。因却登而無恙。不表。若。也。曾。其。吾。欲
吾。知。也。十。正。蔡。兒。重。因。其。開。總。也。夫。以。官。之。感。委。曲。梁。容。者。

周官精義目錄

天官

大宰

小宰

宰夫

宮正

宮伯

膳夫

庖人

內饗

外饗

亨人

甸師

獸人

甸人

蠶人

腊人

醫師

食醫

疾醫

瘍醫

獸醫

酒正

酒人

漿人

凌人

籩人

醢人

醢人

鹽人



幕人

宮人

掌舍

幕人

掌次

大府

王府

內府

外府

司會

司書

職內

職歲

職幣

司裘

掌皮

內宰

內小臣

閹人

寺人

內豎

九嬪

世婦

女御

女祝

女史

典婦功

典絲

典枲

內司服

縫人

染人

追師

屨人

夏采

周官精義卷二

潁川 連斗山叔度編次

周官

集注曰。周家六官。取瀛。天地四時。冢宰曰天官。以其總御衆官。猶天道統理萬物也。司徒曰地官。以其安擾萬民。猶地之載養萬物也。禮文繁縟。象春發生。故宗伯曰春官。兵威震赫。象夏長盛。故司馬曰夏官。刑罰嚴厲。象秋肅殺。故司空曰秋官。莫民攸居。象冬斂藏。故司空曰冬官。

天官冢宰上

惟王建國。

辨彼勉切

方正位。

體國經野。

設官分職。

以為民極。

辨

此言周王之建立邦國也。辨方者。日景以別四方。正位。審面勢以正左祖右社前朝後市之位也。體猶分。分營

國中以為宮寢門除。如人之有體。經猶畫。畫制野外以為址。甸溝洫。如織之有經。設官者。設為天地四時之官。分職者。分為治教禮政刑事之職。皆所以安民生。定民志。而使遵王之道。故曰以為民極也。

論鄭氏伯謙曰。周公之序六典也。每篇冠之以此。凡此皆所以習民于尊卑等殺階級之中。消其亡等冒上之心。而寓其化導整齊之意。是以民服事其上。而下無覬覦志慮不易。視聽純一。無往而非為民極也。

乃立天官冢宰。使帥其屬而掌邦治。以佐王均邦國。治官之屬。大宰卿一人。小宰中大夫二人。宰夫下大夫四人。上士八人。中士十有六人。旅下士三十有二人。府六人。史十有二人。胥十有二人。徒百有二十八。

註天言象天所立之官。冢宰大宰也。邦治王者之治。均乎也。使上下尊卑貧富遠邇各得其乎也。

論御案曰。冢宰統六官。猶仁統四德。其職無所不統。而大

綱有三。一曰養君德。則自後宮宿衛。以及起居服食之節。無不與聞。所以保護王躬。而納之于道。以爲出治之本也。一曰詔廢置。政治之要。唯在于舉賢。絀不肖。羣吏則專之。卿貳則以詔王。而廢置之。所以使野無遺賢。官無僨事也。一曰制國用。綜其入出。豐凶之數。而權衡之。所以使民有常供。財不濫費。公私充實。而有備。內外謹飭。而無邪也。以是求之。則冢宰所帥諸屬。皆可得而推矣。

論 葉氏時曰。六卿分配天地四時。而冢宰以天官名。司徒敷教。地官之職也。而典則曰天叙。秩宗典禮。春官之職也。而禮則曰天秩。五服五章。司服與命之職也。而曰天命有德。五刑五用。司寇之職也。而曰天討有罪。一則曰亮天

工。二則曰代天工。蓋以無事非奉若天道耳。陳氏傳良曰。古之用人無他途。自公卿大夫子弟皆養于學宮。或備宿衛以考其德行而升進之。自卿遂都鄙侯國。凡古名數而為民者。亦考察于鄉里。擇其秀異者。節級而升之。故受命為士。其次者則任以府史之職。與胥徒之事。王氏昭禹曰。有藏則置府。有書則置史。有號令則置胥徒。有市價之事則置賈。

論 范氏祖禹曰。古者唯任一相以治天下。唐虞有百揆。夏商可知也。周之家宰。實總六卿。是以治出于一。政有所統。後世宰相之職。分而不一。君以為權在于己。臣以為政在于君。國之治亂。民之休戚。無所任責。故賢者不得行其所學。不肖得以苟容其間。由官不正任不專也。

大宰之職。掌建邦之六典。以佐王治。直吏切。邦國。

釋 大宰治官之長。職則所主之事也。六典治教禮政刑事之書。大宰合而建之。以輔王為治也。

論總

御案曰全部周官皆瀆也雖有聖人徒善不足以爲政

故六官百職無不守其瀆以承其事而大宰特挈其綱焉

一曰治典以經邦國以治官府以紀萬民二曰教典以安邦

國以教官府以擾日杳切萬民三曰禮典以和邦國以統百官

以諧萬民四曰政典以平邦國以正百官以均萬民五曰刑

典以詰起一邦國以刑百官以糾萬民六曰事典以富邦國

以任百官以生萬民

禮治典天官之典經大綱也治猶理也紀節目也教典地
官之典安寧謐也教訓迪也擾馴習也禮典春官之典
和順適也統宰制也諧調合也政典夏官之典平戡定也
正謹飭也均齊等也刑典秋官之典詰禁示也刑置瀆也

糾究察也。事典冬官之典。富猶足也。任猶使也。生猶養也。

呂氏祖謙曰。六卿者萬事之綱也。為天下始于立。綱紀故一曰邦治。綱紀既立。首教以人道之大。故二曰邦教。

人道立則必有節文之者。故三曰邦禮。教立禮行而猶有于紀亂常者。則討伐行焉。故四曰邦政。大罪陳之原野。降

此則有司之灋在。故王曰邦刑。至體國經野。與事造業以基五官之職事。則六曰邦事終焉。六卿分職。各帥其屬。以

倡九牧。阜成兆民。上下相統。內外交應。天下雖廣。無一不相聯絡矣。

以八灋古法字治官府。一曰官屬。以舉邦治。二曰官職。以辨

邦治。三曰官聯。以會官治。四曰官常。以聽官治。五曰官成。以

經邦治。六曰官灋。以正邦治。七曰官刑。以糾邦治。八曰官計。

以弊邦治。

注

百官所居曰府。八灋以治在朝之官府。官屬六官之屬。舉者舉而行之也。官職六官之職。辨者各有司存也。官

聯

者通職以連事。會會合也。官常者百官之常職。聽聽察也。官成謂所事之定體。經者欲其守以為常也。官灋謂諸

職

之大灋。正者欲其不入于衰也。官刑謂官中之刑。糾以察其善惡也。官計謂小宰之六計。弊以斷其誅賞也。曰官

治

主于覈其人。曰邦治。主于舉其事。蓋官府者治之所由出。春秋傳曰。國家之敗由官邪。故六典而外。八灋為先焉。

以入則治都鄙。一曰祭祀以馭其神。二曰灋則以馭其官。三

曰廢置以馭其吏。四曰祿位以馭其士。五曰賦貢以馭其用。

六曰禮俗以馭其民。七曰刑賞以馭其威。八曰田役以馭其

衆。

注

則亦灋也。都鄙公卿大夫與王子弟所食之采。藉邑。馭猶馬之在馭。治分于外。權操于內也。馭其神。使典祀無

敢違。馭其官。謂都使舊章無敢亂。馭其吏。謂勸所以別惡。馭其士。謂勸所以勸賢也。馭其用。欲其知節。馭其民。欲其同風也。馭其威。欲其遠罪。馭其衆。欲其恤民也。凡此皆所以馭之使入于善也。

論王氏安石曰。典祀弗舉。淫祀無禁。非所以馭其神也。上不歲會。非所以馭其吏也。祿不論功。位不議行。非所以馭其士也。征求無藝。費出無節。非所以馭其用也。人自為禮。冢自為俗。非所以馭其民也。刑以幸免。賞以苟得。非所以馭其威也。施舍不均。征調無灋。非所以馭其衆也。

以八柄必朕切。詔王馭羣臣。一曰爵。以馭其貴。二曰祿。以馭其

富。三曰予。以馭其幸。四曰置。以馭其行。下孟切。五曰生。以馭其

禍。六曰奪。以馭其貧。七曰廢。以馭其罪。八曰誅。以馭其過。

注八柄皆天子之所執。非人臣所得預。故告之于王。以馭羣臣也。以德詔爵。所以貴之也。以功詔祿。所以富之也。

予在常祿之外。是幸典也。置在有位之列。是敦行也。當死而使其生。故曰福。無功而奪其田。故曰貧。有大罪則廢棄之。有小過則誅責之。此八者。皆所以駕馭羣臣。馭之于善也。

論

御案曰。爵祿廢置。生殺予奪。聖人制瀆。皆天理之當然。

也。然以天下之大柄。而操于一人。非上聖至仁。豈能一一各應其則。自非公正無私。能好能惡之相臣。隨事隨時。竭誠盡慮。以告其君。鮮不牽于私意。蔽于僉壬。而冥行倒置者。漢唐以下。非無勵精求治。欲謹其操柄之賢君。而不能比隆于三代。以詔之者。無伊傅周召之相臣耳。此振古治道升降之分界也。

以八統詔王馭萬民。一曰親親。二曰敬故。三曰進賢。四曰使能。五曰保庸。六曰尊貴。七曰達吏。八曰禮賓。

統

統者合于上而系屬于下也。親親睦九族敬故重故舊也。進賢用有德使能用有才也。保庸安有功尊貴崇有

爵也。達吏舉下位禮賓尚朝聘也。

總論

御案曰親親則民興仁敬故則民存厚進賢則民興行

使能則民勸功保庸則民知德不可背尊貴則民知等不

可踰達吏則民知兄善必揚禮賓則民知偶居相敬又

曰馭羣臣猶有慶賞刑威之凜馭萬民不過以忠厚禮讓

為先且一一實體于王躬而不專以布教敷言求喻于眾

志蓋民弱而不可勝。愚而不可欺。苟非至誠動物。以善養人。而別求所以馭之之道。鮮有喻諸民而服從其教令者。書曰。予臨兆民。凜乎若朽索之馭六馬。故先王顧畏于民。曷唯務正其本統。以漸摩而陰化之。然是八者。亦非上聖至仁。未能自然而各盡其道。故並使冢宰隨時隨事而詔王焉。

劉氏曰。詩棠棣親親也。伐木敬故也。南山有臺。進賢也。棫樸使能也。彤弓保庸也。湛露尊貴也。采芣達吏也。鹿鳴禮賓也。

通論 梁氏寅曰。馭羣臣者操其權。故曰柄。馭萬民者舉其綱。故曰統。

以九職任萬民。一曰三農，生九穀。二曰園圃，毓草木。三曰虞

衡，作山澤之材。四曰藪牧，養蕃鳥獸。五曰百工，飭化八材。六

曰商賈。音古阜通貨賄。七曰嬪婦，化治絲枲。音洗八曰臣妾，聚斂

疏材。九曰閒民，無常職，轉移執事。

園圃 職業也。以九者職業任使萬民也。三農山澤平地之農。園圃都邑郊關種果蒨之地。虞衡掌山澤川林之官。藪

牧草澤牧養之區。致以力為飭，易其形為化。八材者珠象

玉石木金革羽也。行貨曰商，居貨曰賈。金玉曰貨，布帛曰

賁。阜通者聚之使盈，遷此就彼也。嬪有夫者婦，有姑者絲

繡之已。纁者臬麻之未緝者。化治謂化絲治為帛。化枲治

為布也。臣妾男女為人役之名。聚斂疏材，使之取之以共

食用也。閒民無專職之人。轉移執事，隨時傭雇以為人用

也。此九者養生則無一物之可缺，治生則無一夫之可怠

先王于民，隨其所能而任之。此國之所以無游民而天下

所以富

庶也

論御案曰九職任民生之爲之之道。細大無遺。貨惡其棄于地力。惡其不出于已。如是以任之。是以貨有不匱之原。人無游惰之習也。

論御案曰天之生人。無少壯男女。有是身則有所居之分。位。有是分位則有所治之事業。故名曰職。盈天地之間。有一無職之人。有一人不守其職之人。則有國有家者必陰受其病。故王公身任天職。必使萬民舍九職。無以託其身。而君臣相與盡志於治教禮政。刑事以董正之。而使無廢

職焉。又曰。或以周官理財過于詳密。不知財之盈絀。係天下安危。財之源在于生之爲之。而不可一聽于民。財之流在于食之用之。而不可一委于吏。觀九職之任民。至于聚斂。疏材。遂師之巡稼穡。而救時事。至于移用其民。鄣長之趨耕耨。并稽女功。所以導民于生之爲之者。視民之自謀而尤悉矣。失財用物。考于宰夫。振掌事者之餘財。歸于職幣。官中之稍食。宮正均之。周廬之月秩。宮伯制之。所以察吏而防食用之浮冒者。周矣。禮俗之則。頒于冢宰。祭祀飲食喪紀之禁令。辨于小司徒。所以防民幅財而謹食用。

之靡耗者備矣。是乃生財之大道。所以天災不能困而民
患無由興也。

以九賦斂財。一曰邦中之賦。二曰四郊之賦。三曰邦甸之
賦。四曰家削。當作稍之賦。五曰邦縣之賦。六曰邦都之賦。七

曰關市之賦。八曰山澤之賦。九曰幣餘之賦。

上取于下曰賦。財泉穀。賄布帛也。以九賦繼九職。任之
而後可以斂之也。邦中在城郭者。四郊在百里之內者。
邦甸去國二百里。蓋六遂之餘地。天子使吏治之者也。家
稍去國三百里。大夫所食之采。謂畷邑在焉。邦縣去國四
百里。卿及王子弟之疎者采邑在焉。邦都去國五百里。公
及王子弟之親者采邑在焉。關司關。市司市。山山林。澤水
澤幣餘用度之餘。復歸于國者。自邦中以至邦都。即載師
任土之灋。皆以時而徵其賦。關市山澤則在田賦之外。幣

餘雖故有。然既出之而復入之。故亦稱賦焉。

以九式均節財用。一曰祭祀之式。二曰賓客之式。三曰喪荒之式。四曰羞服之式。五曰工事之式。六曰幣帛之式。七曰芻秣之式。八曰匪頒之式。九曰好呼報切用之式。

注式謂用財之節度。均節之。使無有餘不足之患也。祭祀有大小。禮即有隆殺。國君來朝曰賓。大夫來聘曰客。其位有尊卑。禮亦有差等也。喪有賻贈合璣之禮。荒有散財施惠之禮。羞王之飲食。服王之裳衣。百工之事。王之器用也。幣帛以賜賓客。芻秣以飼牛馬。匪頒者分賜于臣工。好用者因好而有用也。總計歲所入之賦。所出之費。以四分爲率。用其三而存其一。三十年則有十年之積。國有故不至加賦以病民。民有水旱之災。又得以蠲賦。所以養王仁心。助成恭儉之德。而禁奢侈于未萌也。

論

御案曰大府九賦各有所待用之多少必與賦相稱所以節之也職內叙其財以待邦之移用所以均之也用三餘一以三十年之通制國用尤均節之大者九式無軍旅蓋甲出邱甸無養兵之費有事則遣人致道路之委積出畿則侯國共其資糧此古者所以薄取于民而財不匱也

論

周禮菁華曰財用共于有司而式瀆頒于大宰是以人主雖有私心以式瀆而過取有司亦不敢違式瀆而過共人消國用裕而民力紓論道經邦此尤其重大者

以九貢致邦國之用一曰祀貢二曰嬪貢三曰器貢四曰幣

貢五曰材貢六曰貨貢七曰服貢八曰游貢九曰物貢

音游

注 下供上曰貢致者言非上取之而自致之也。祀貢犧牲包茅之屬。嬪貢絲枲之屬。器貢石磬丹漆之屬。幣貢玉馬皮帛之屬。材貢枯栢篠簜之屬。貨貢金玉龜貝之屬。服貢玄纁織纈之屬。旂貢羽毛之屬。物貢魚鹽橘柚之屬。九貢所列非用物不致所以不貴異物賤用物也。

論 集註曰先王授民以田則責之賦。授諸侯以國則責之貢。采邑有賦而無貢。邦國有貢而無賦。

以九兩繫邦國之民。一曰牧。以地得民。二曰長。知雨切以貴得

民。三曰師。以賢得民。四曰儒。以道得民。五曰宗。以族得民。六

曰主。以利得民。七曰吏。以治得民。八曰友。以任得民。九曰藪。

以富得民。

注 兩猶耦也。繫猶聯也。立灋于此。使萬民相合耦而聯綴不散也。牧養也。分田有養。是以地得民也。說文謂一民視

近者言之。鄭注以長為諸侯。長鄉老也。古之鄉老皆以或
又以牧為州長。皆于民大淵。長鄉老也。古之鄉大夫皆以或
爵尊民敬。是以貴得民也。師德成行。尊民所表率。是以賢
得民也。儒道明藝習。民所敬信。是以道得民也。宗子為宗
大宗。收族故以族得民。大夫稱主。采邑逮下。故以利得民。
吏鄉邑之長耳。目最近是為以治得民。友同井之屬。彼此
相倚是為以任得民。藪財物所聚之地。與民共之。是以富
得民也。

論王氏與之曰。民心無常。難合易睽。惟有以繫其身。又有
以繫其心。然後相安相養。相親相遜。雖有變故。之死靡
他。後世九兩既廢。人心亦離。四夫匹婦。不獲所求。而
有樂郊樂國之思。曾子所謂上失其道而民散也。

論張子曰。管攝天下之人心。厚風俗。使人不忘本。須明世
族與宗。灋宗灋立。則人知統繫所自來。而恩義立。王
氏昭禹曰。學校之友。相任以道。則以道而
相得。鄉井之友。相任以事。則以事而相得。

論以上十章。其要有三。八灋。八則。八柄。馭臣之大權。八統
九職。九兩。安民之大灋。九貢。九賦。九式。理財之重事。而

六典則
兼之。

正月之吉始和布治于邦國都鄙乃縣音懸治象之灋于象魏

使萬民觀治象挾同狹子日而斂之

注正月建子之月吉朔日也始和者先王通變宜民調制于是為始也大宰以此日布治于天下又書而縣于象

魏闕名即維門高也振木鐸以狗之使萬民觀焉所以重治灋新王事也十日為狹旬狹旬而後收者使遠者得福

也觀也

論御案曰大宰職不條列所以治邦國者以六典以下天子

所以治諸侯與諸侯所以自治其臣民者皆具于是矣

布治于邦國即以典灋則柄統職式貢兩頒之所損益者

蓋無幾也

乃施

始豉切下同

典于邦國而建其牧立其監

古銜切

設其參

七南切三

傳

附音

其伍陳其殷置其輔乃施則于都鄙而建其長

知雨切

立

其兩設其伍陳其殷置其輔乃施灋于官府而建其正立其

貳設其攷陳其殷置其輔

灋

此言封建灋也。施者典則灋各有其籍。界所治之人使推行之也。故公侯伯子男守土以牧民者。監方伯連帥

相監臨者參謂三卿。伍謂五大夫。殷衆謂上中下士。輔謂庶人在官者。如府史胥徒之類。其歲有所封之國則施焉。施則于都鄙者。乃畿內授采灋也。長謂卿大夫王子弟食采邑者。兩謂兩卿。伍亦大夫。蓋天子之卿受地視侯。大夫受地視伯。其設官亦與外諸侯等。比年亦因和而施之也。施灋于官府者。乃朝廷置官灋也。正謂六卿之長貳謂六

卿之佐。考成也。佐成事者也。大宰總統六官而所施之灋。已則先焉。所謂天工人代也。

灋集解曰。天下之大。盡于邦國都鄙。而任邦國都鄙之事者。盡于官府。太宰于歲首月施其典灋則焉。此所以環

海內外。共稟王章也。

凡治以典待邦國之治。以則待都鄙之治。以灋待官府之治。

以官成待萬民之治。以禮待賓客之治。

灋大凡為治之道。六典本以治邦國。八則本以治都鄙。八灋本以治官府。八成本以治萬民。禮本以接賓客。待謂

灋具于此。待事至而應之也。

祀五帝。則掌百官之誓戒。與其具脩。前期十日。帥執事而卜。

日。遂戒。及執事。既音滌。亭歷切。濯直覺切。及納亨音庚。切烹。贊王牲事。

及祀之日。贊玉幣爵之事。祀大神元音祇亦如之。享先王亦

如之。贊玉几玉爵。

禮記 祀五帝謂四郊及明堂其青帝赤帝白帝黑帝黃帝各于

子亭五帝于明堂也。王肅以五帝為人帝非也。家語季康

成萬物其神謂之五帝。古之王者易代改號取實行故

其生為明王者沒而配五行。玩此則五人帝乃配五行非

帝也。百官謂與祭者。誓者警之以言戒者飭之以事。與者

犧牲醴齊之品。脩者掃除糞酒之事。前期十日者謂散齊

七日。致齋三日之前一日。戒齋也。此執事。乃初為祭事之

前一夕。既滌濯者。大宰親視灌漑祭器也。納烹者。納牲告

殺。乃授烹入也。贊牲事者。王祖而迎牲射牲割牲。大宰剪

其毛而贊之也。玉幣以禮神。爵以獻神。大宰執以從王。至

而授之。所以贊之也。祀大神祇謂天地。享先王謂舉禘嘗

別言贊玉几玉爵者。明

天地不用。從其實也。

論語 程子曰。萬物本乎天。人本乎祖。故冬至祭天而以祖配

之。以冬至氣之始也。萬物成形于帝。而人成形于父。故

季秋享帝而以父配之。
以季秋成物之時也。

大朝觀會同。贊玉幣。玉獻玉几。玉爵。太喪。贊贈玉含玉。作大事。則戒于百官。贊王命。王眡治朝。則贊聽治。眡四方之聽朝。亦如之。凡邦之小治。則冢宰聽之。待四方賓客之小治。

補注

春見曰朝。秋見曰覲。時見曰會。殷見曰同。玉幣。玉獻。皆諸侯所貢之物也。玉几。玉見。諸侯所依者。玉爵。諸侯酢

王所執者。大喪。天子之喪。贈玉。既窆。用以送先王。含。玉將。斂。用以爲口實。大事。謂祀與戎。戒飭百官。必有教令。數者。皆天子主之。而大宰助之也。治朝。在路門外。羣臣治事之。朝。四方之聽朝。王巡守在外之朝。王眡之。則佐王乎斷。若邦與四方之小事。剛大宰均專之也。

歲終。則令百官府各正其治。受其會。古外。聽其致事。而詔王。

廢置三歲。則大計羣吏之治而誅賞之。

注 歲終周之季冬也。正其治。百官各正其所職之事。受其會。大宰受其歲計之書。聽其致事。聽其所已為之事。以

告于王。廢退其不職。置使任其事也。三歲大

比則總計其狀而誅賞之。不徒廢置之而已。

注 魏氏校曰。六典而下。建立治道紀綱也。正月之吉。帥百工興事也。歲終省其成也。詔贊王。承天施也。

小宰之職。掌建邦之宮刑。以治王宮之政令。凡宮之糾禁。掌

邦之六典。八灋。八則之貳。以造邦國都鄙官府之治。執邦之

九貢。九賦。九式之貳。以均財節邦用。

注 小宰大宰之貳也。宮刑在王宮中者之刑。政令即宮正也。宮伯所掌者是也。糾禁已發則糾斷之。未發則禁飭之。

也。大宰以典灋則總治體。小宰則察其奉行之實。大宰以貢賦式制國用。小宰則察其均節之宜。故曰貳也。

論 葉氏時曰。小宰貳大宰。首王宮之刑禁。蓋侍從僕御一有不正。出入起居一有不欽。皆足以蠱惑君上而生心害政。故宮刑雖以為王宮之禁。而實格君心之非。湯制官刑。儆于有位。三風十愆。備及于宮室之隱微。伊尹引以為訓。而繼之曰。嗣王祗厥身念哉。正此義也。

通 鄭氏曰。小宰之宮刑。所以齊其家。宰夫之朝瀆。所以治其國。然後大宰之邦典。始可以治天下。蓋政教風俗。先自王宮始。故司寇無宮刑。而小宰專掌之也。

以官府之六叙正羣吏。一曰以叙正其位。二曰以叙進其治。

三曰以叙作其事。四曰以叙制其食。五曰以叙受其會。古外切

六曰以叙聽其情。

補 叙秩次也。朝廷莫如爵。故正位為先。王視朝則聽治。故進治次之。事不戒則治無功。故作事次之。事有繁簡。則

食有豐嗇故制食次之。事成則有要會當受其會。事未安則有所關白當聽其情。左者並以叙正之。斯無爭先越次而有不肅之患矣。

禮記鄭氏伯謙曰。考之諸官。小宰月終受羣吏之要。則以官府之叙。宰夫掌百官府之徵令。則有胥以治叙。宮伯掌王宮士庶子之政令。而歲終必均其叙。內史以八枋之灋詔王治。而納訪必掌其叙。鄉師凡邦事令作秩叙。下而里宰合偶于鋤亦行其秩叙。蓋治衆必有叙。乃不紊亂。故小宰以六叙正羣吏爲先。

以官府之六屬舉邦治。一曰天官。其屬六十。掌邦治。大事則從其長。小事則專達。二曰地官。其屬六十。掌邦教。大事則從其長。小事則專達。三曰春官。其屬六十。掌邦禮。大事則從其長。小事則專達。四曰夏官。其屬六十。掌邦政。大事則從其長。

小事則專達。五曰秋官。其屬六十。掌邦刑。大事則從其長。小事則專達。六曰冬官。其屬六十。掌邦事。大事則從其長。小事則專達。

通六官之長。各有所屬。然後邦治可舉也。六十舉成數也。大事從其長。則大臣之體尊。小事得專決。則羣臣之職盡。不然。卑者或從而敗。事尊者反繁而無功矣。

通鄭氏康成曰。六官之屬。三百六十。象天地四時日月星辰之度數。天道備焉。王氏昭禹曰。唐虞之世。其事簡。故建官惟百。夏商事漸繁。故倍之。至周則禮樂政刑濶制大備。故增為三百六十。不如是則事不舉。

以官府之六職辨邦治。一曰治職。以平邦國。以均萬民。以節財用。二曰教職。以安邦國。以寧萬民。以懷賓客。三曰禮職。以

和邦國以諧萬民以事鬼神。四曰政職以服邦國以正萬民。以聚百物。五曰刑職以詰欺一邦國切言以糾萬民以除盜賊。六曰事職以富邦國以養萬民以生百物。

注六官各有其職故邦治得以分辨。小宰所辨之六職即大宰所建之六典。六職所謂節財用懷賓客事鬼神聚百物除盜賊生百物皆六典之所該。故于典畧之而職則詳焉。不言官府者以六職本官府之職也。

以官府之六聯合邦治。一曰祭祀之聯事。二曰賓客之聯事。三曰喪荒之聯事。四曰軍旅之聯事。五曰田役之聯事。六曰斂弛之聯事。凡小事皆有聯。

注聯事會合而成事也。祭祀謂郊禘賓客謂諸侯喪謂國變荒謂年凶。軍旅謂征伐田役謂田獵力役。斂者賦民

之財。弛者寬民之力。六事皆互相聯。合而後事克舉。即小事亦必然也。

總論 御案曰。朝廷之有官。猶人身之有百體。臂動而指隨。股

行而踵舉。右有所事。左必繼之。耳有所聞。目亦注之。運動

屈伸。不假指揮。而無不如意。則官聯之謂也。

通論 葉氏時曰。先王以六職辨邦治。則事權不混。以六聯合

邦治。則衆力以相備而成。所以內外相維。大小相統。而無曠鯨也。又曰。周官聯六事之意。不特六職也。在鄉則比閭。族黨州為聯。在遂則鄰里。鄙鄙縣為聯。司徒之安民曰。聯兄弟。聯師儒。朋友惟聯。而後骨理相湊。脉絡相通。而合天下為一家之氣象。可見矣。

以官府之八成。經邦治。一曰聽政。音征役。以此居。二曰聽師田。

以簡稽。三曰聽閭里。以版圖。四曰聽稱責。側責以傳別。彼列

切債

五日聽祿位以禮命。六日聽取予以書契。士曰聽賣買以質。

劑音吞八日聽出入以要會。古外刃後凡不音者並同

在輔入成者。入事之成。癘如經之不可易。民有訟者。以此成聽斷之。是經之也。征謂征其賦役。謂役其徒。二者以比

居之籍聽之也。賦此師以用衆田以簡衆。二者以簡稽之。書聽之也。簡謂也。在鄉為閭。在遂為里。二者以版圖之冊

聽之也。版戶籍稱謂稱貸債謂債負。二者以傅別之券聽之也。傅者附也。問稱謂稱貸債謂債負。二者以傅別之券聽

典聽之也。命禮有等。官有所予。民有所取。二者以書契之文聽之也。此有所賣。彼有所買。二者以質劑之約。張即顧聽

之也。官給為出。民輸為入。二者以要會之簿聽之也。翻劑賦計。入成皆文書。比居簡稽。版圖禮命。要會文書之用。于

公者。傅別質劑。交書之用。于私者。書契則公私皆用之。

葉氏時曰。聖人起教于微。而防患于未然。是以有書以載其癘。有癘以待其事。事來而應之。以癘訟起而正

之以書所謂上古結繩而治後世聖人易之以書契百官以治萬民以察也王氏昭禹曰民生而有欲則不能無求求而無分界度量則不能無爭先王懼其有爭端也先為之灋以防之有犯者以此治焉則情偽明是非審奸者無所肆其巧愚者不至受其欺易訟卦所以曰君子以作事謀始也

以聽黃氏曰官府之六計弊羣吏之治一曰廉善二曰廉能

三曰廉敬四曰廉正五曰廉灋六曰廉辨

灋聽乎治弊斷也善仁厚能敬給敬謂位不懈正謂行不灋阿執灋不阿為灋明察不惑為辨六者皆以廉為本貪

則餘不足觀矣

以灋掌祭祀朝覲會同賓客之戒具軍旅田役喪荒亦如之

七事者令百官府共當作供音其財用治其施舍聽其治訟

恭後放此

輯廢禮濩戒具謂飭其事所當治與物所當供者財用施
注舍治訟其事煩非小宰所能徧故令百官共治聽之

凡祭祀贊玉幣爵之事。裸將之事。凡賓客贊裸。凡受爵之事。

凡受幣之事。喪荒受其含。祔幣玉之事。

音遂

注大宰所贊者惟祀五帝與大神元享先王之玉幣爵及
大朝觀會同之爵幣。此云凡祭祀凡賓客見小宰之所

贊不同於大宰也。裸灋將送也。謂王酌鬱鬯以獻尸也。贊
裸者乃朝享既畢。王待諸侯之禮。受爵謂諸侯酢王之爵
受幣謂廟中行三享時之幣。凡此皆小宰贊王也。喪荒謂
王國口實曰含衣服曰祔。幣玉所以禮神。皆諸侯所賜委
之禮。乃小宰所專受也。

月終則以官府之叙。受羣吏之要。贊冢宰受歲會。歲終則令
羣吏致事。正歲帥治官之屬而觀治象之瀆。狗以木鐸。日不

用灋者國有常刑。乃退以宮刑憲禁于王宮。令于百官府曰：各脩乃職考乃灋。待乃事以聽王命。其有不共同則國有大刑。

在小宰主一月之計。于每月之終。使官府以其尊卑之叙。致其簿書之要。以助大宰歲計之會。于一歲之終。使羣吏盡致其一年之功狀。以待大宰之考。正歲謂每歲之首。大宰酌其一年之治象。懸于天官之府。小宰則帥所屬以觀之。振木鐸以警之。既退。獨以宮中之刑懸禁于王宮。使治事于王宮者共喻焉。蓋宮禁尤嚴。小宰之所專掌也。兩曰以下皆所徇所禁之詞。憲亦懸意。

命御案曰六典八灋八則九貢九賦九式。小宰皆執其貳。以佐冢宰。而八柄八統九職九兩不與焉。所專掌則弼之。

宮刑六叙六屬六職六聯八成六計之灋也。蓋入柄入統
九職九兩所以持教政之樞紐。盡萬物之性命。正天下之
統紀。乃天子之事。而冢宰贊焉者也。邦之宮刑六叙六屬
六職六聯八成六計七事之灋。則冢宰所統而未暇詳焉
者也。以小宰而上叅四者。則體不順。以冢宰而下與八者
則日有不暇給矣。

論毛氏應龍曰。建子之月。謂之正月。所以明一代時之正。
建寅之月。謂之正歲。所以明天運時序之正。鄉大夫職
州長職。皆先言正月。次言歲終。未言正歲。觀此三節。可知
正月即周以十一月為歲首之月也。歲終即陶詩以十二
月為將改歲之月也。歲終下即繼
以正歲。則謂夏建寅之月明矣。

用五穀以備其養之月則矣
以食雜如歲之月也其深不唯深
于王宮令于百官府日

刑 五穀以備其養之月則矣
以食雜如歲之月也其深不唯深
于王宮令于百官府日

周官精義卷三

穎川 連斗山叔度編次

天官冢宰下

宰夫之職。掌治朝之灋。以正王及三公六卿大夫羣吏之位。掌其禁令。叙羣吏之治。以待賓客之令。諸臣之復。萬民之逆。

注 治朝在路門外。天子眠朝。宰夫則掌其灋。蓋朝廷之士首重者威儀故尊卑之位。雖掌于司士。而體貌之節。宰夫又從而糾正之。四方賓客朝聘者。天子必有令。諸臣受命來報者謂之復。下民攬情入告者謂之逆。三者皆羣吏之所有事也。宰夫于未事之先。叙列其治以待之。斯臨事無失誤之咎矣。

掌百官府之徵令。辨其八職。一曰正。掌官灋以治。要。二曰師。

掌官成以治凡三曰司掌官灋以治目四曰旅掌官常以治

數五曰府掌官契以治職才浪切六曰史掌官書以贊治七曰

胥掌官叙以治叙八曰徒掌官令以徵令

徵召其人令使承其事也。王有徵召命令于百官府。宰

夫則辨別于八職以分屬其人也。正六官之長即大宰

職所謂建其正者也。要謂事之綱領。師六官之貳。既

師日即大宰職所謂立其貳者也。凡諸事之約譽。司如貳

以下。即大宰職所謂設其考者也。目謂事之科條。旅兼上

中下士。即大宰職所謂陳其殷者也。數謂事之多寡。府主
蓄藏者。史起文書草者。胥為什伯之長。徒供奔走之役。皆
大宰職所謂置其輔者也。契以為質。則庫藏無侵冒之弊。
書以記事。則政治無載筆之煩。事有次叙之先後。政有
使令之緩急。以官叙治之則不紛。以官令徵之則不怠。
掌治灋以考百官府羣都縣鄙之治。乘其財用之出入。凡失

財用物辟

彌肆切避

名者以官刑詔冢宰而誅之其足用長

朱亮切丈

財善物者賞之

注

宰夫是勾考之官故以治灋考百官及大都小都冢邑

實因以課吏治焉失財謂貨賄失物謂器物失用謂濫用

辟名謂以空文作實在所用無乏為足用所用有餘為長

以式灋掌祭祀之戒具與其薦羞從大宰而眡滌濯

注

戒謂飭其事具謂備其物薦謂脯醢羞謂

凡禮事贊小宰比官府之具凡朝音潮覲會同賓客以牢禮之

灋掌其牢禮委積

子賜切後同

膳獻飲食

音嗣

賓賜之殮

音孫

牽與其

陳數。

凡禮事。卽小宰職之七事。其具小宰已以漙掌之。宰夫又贊而校次之。使知善惡是否也。待賓客有牢禮之一。大行人職之。宰夫亦掌之。牢禮者。牛羊豕三牲爲一牢。委積米薪膳獻禽羞椒獻飲食宴享也。賓賜謂有司所賓天子所賜。殮牢。夕食與生牲也。陳數。謂以爵之尊卑爲牢禮所陳之多寡也。

凡邦之弔事。掌其戒令。與其幣器財用。凡所共者。

弔事。弔諸侯諸臣之事。幣所用之賻。器所致明器也。凡喪始死。弔而合襚。葬而賜贈。其間加恩厚則有賻焉。

大喪小喪。掌小官之戒令。帥執事而治之。三公六卿之喪。與執喪帥官有司而治之。凡諸大夫之喪。使其旅帥有司而治之。

一
注輯大喪王及后世子小喪夫人以下小官謂士。旅謂下士。官有司。公士之有事于喪家者。

歲終則令羣吏正歲會。月終則令正月要旬終則令正日成。

而以考其治。治不以時舉者以告而誅之。正歲則以灋警戒。

羣吏令備宮中之職事。書其能者與其良者而以告于上。

注歲會月要日成皆令羣吏自定之以考其治。其有違令失期者告于家宰而責之。正歲月言則以成灋警戒于

王宮。使各脩厥職。其有功業而能德行而良者則必書以告于大小宰。示不敢壅也。

論魏氏校曰。政課之灋。大宰提其綱。故以歲會核其大者。小宰挈其紀。故以月要核其次者。宰夫兼理其目。故以

日成核其小者。而吏之賢否無可匿矣。

宮正

上士二人。中士四人。下士八人。府二人。史四人。胥四人。徒四十人。

掌王宮之戒令糾禁。

以時比宮中之官府。次舍之衆寡。爲之版以待。夕擊柝而比之。國有故。則令宿。其比亦如之。

謂

官正宮中宿衛官之長。凡官中戒其怠忽。令其有爲。糾其緩散。禁其勿爲者。皆官正掌之。比校也。官中官府。皆

官及公卿王族之子弟。次部署之廬。舍退息之處。版其人之名籍。待待戒令及比也。柝夜行所擊之物。比校直宿之衆。恐其懈離也。有故謂非常。

辨外內而時禁。稽其功緒。糾其德行。下孟幾同其出入均其

稍。所教切食。起呂切其滯怠。與其奇。音基衰。同邪之民。會其什伍。

而教之道。藝月終。則會其稍食。歲終。則會其行事。

謂

時禁者。分別外人內人。而禁其非時出入也。稽功緒。謂計其有爲者。糾德行。謂糾其有守者。譏出入。察宿衛之

往來均稍食。平在宮之廩。陳去。淫怠與奇衰之民。則宮中
吏之家人也。五人為伍。二伍為什。會而教之。以道藝。使左
右近習。人皆知乎學問也。月終則會其功過。以
授于小宰。歲終則會其吏職。以聽于大宰焉。

凡邦之大事。令于王宮之官府次舍。無去守而聽。政令春秋
以木鐸脩火禁。凡邦之事。蹕。宮中廟中。則執燭。大喪。則授廬
舍。辨其親疏貴賤之居。

通大事謂祀與戎。使居其處。待所為。火星以春出。以秋入。
故因天時以為戒。王有出入。昏早必需燭。則隸僕為蹕
而宮正執之焉。廬倚廬。舍聖室。

親貴居倚廬。疏賤居聖室也。

論王氏昭禹曰。宿衛不嚴。無以脩非常。左右不正。無以謹
薰習。故先王擇人以為官正。而嚴其制。則在宮中者無
非公忠之士。而非僻之心。無自而啟。姦宄之變。無自而作。
賈氏公彥曰。序官之禮。不以尊卑為先後。而以緩急為

次序故宮正以士官在

前內宰等大夫官在後

宮伯中士二人下士四人府一人掌王宮之士庶子凡在版

者掌其政令行其秩叙作其徒役之事授八次八舍之職事

若邦有大事作宮眾則令之月終則均秩歲終則均叙以時

頒其衣裘掌其誅賞

輔伯長也宮伯宮正之貳士衛士也庶子國子之倅及公

卿大夫之庶子凡在王宮之版籍者宮伯皆得掌之也

掌其政令使更番輪值之有常行其秩叙使資格歲月之

有等作其徒役使繳巡奔走之不倦也矣乃宿衛之所舍

乃休沐之地八者王宮之四角與四中也授之職事則衛

士應有之職事也大事謂戎寇作起也均秩者均其祿之

多寡均叙者均其位之等級頒衣裘夏有衣冬有裘掌誅賞情有讓勤有賞也

總王氏安石曰。士庶子。非王族則功臣之世賢者之類。上論以自近而衛焉。故君臣國家安危一體。休戚一心。上下親而內

外察也。

論 徐氏祖謙曰。古者執戈戟以宿衛王宮。皆士大夫職之。無事而奉燕私。則從容養德。有承弼之益。有事而司禦。儻則堅明守義。無腹心之虞。秦漢隋楯執戟。尚餘一二。此制既廢。人主接士大夫者。僅有眠朝數刻。而周廬陛楯。或環以椎埋鬻悍之徒。有志復古者。當深繹也。王氏昭禹曰。國子在學則隸于大司樂。在宮則隸于宮伯。在軍則隸于諸子。

膳 市換 夫

上士二人。中士四人。下士八人。府二人。史四人。胥十有二人。徒百有二十人。

掌王之食

音嗣 下同

飲膳羞以養王及后世子。凡王之饋。食用六穀。膳用六

牲。飲用六清。羞用百有二十品。珍用八物。醬用百有二十。膳

王日一舉。鼎十有二。物皆有俎。以樂侑食。膳夫授祭。品嘗食。

如字王乃食。卒食以樂徹于造。王齊。音齋則不。原本曰三。鄧舉

大喪則不舉。大荒則不舉。大札。側入則不舉。天地有災則不

舉。邦有大故則不舉。

膳夫。食官之長。食飯也。飲酒漿也。膳。牲肉也。羞。有滋味者。王至尊。而后配王。世子為天下本。故兼養之。進食于

王曰饋。殺牲盛饌曰舉。鼎十有二。牢。鼎九。陪。鼎三也。物謂

牢。鼎之實。俎。謂薦。鼎之具。授祭于王。不忘本也。先嘗乃食。防有毒也。食。卒徹。造。歸。故所也。天地。灾。謂日月薄蝕。山川崩竭。大故。謂寇與戎。此皆不舉。示變常也。

論御。案曰。王食必侑。以樂者。聞和聲。則心億。而氣行也。遇

變而不舉。又所以使王惕然于天。時人事。而哀樂不失。乃

協于天地之性也。

王氏應電曰。物性各得陰陽之氣。于人身必有所益。備物致味。所以助王精氣而益其聰明。非但為肥甘之適于口也。然此特總言饋食之物。有是數而已。觀月令孟春食麥與羊之類。則四時錯舉。非必一日盡其之也。正如記稱四海九州之物。皆以脩孝養而籩人醢人止于四籩四豆之實。可以類推矣。程子曰。古人飲食必祭。食穀必思始耕。食菜必思始圃者。先王無德不報如此。王氏安石曰。祭祀致齋不御肉。不聽樂。不飲酒。不膳葷。喪者則弗見也。刑者則弗見也。不蠲則弗見也。蓋不以哀樂欲惡貳其心。又去物之昏憤。其志意者。所以致精明之至。以交神明也。

王燕食則奉膳贊祭。凡王祭祀賓客食則徹王之胾俎。凡王之稍事設薦脯醢。王燕飲酒則為獻主。

燕食日中與夕之食。奉膳奉朝之餘膳。贊祭者。贊所祭之牲肉也。胾俎。王與尸賓相答酢之俎也。膳夫。魏徹胾。

俎其餘則其屬徹之可知稍食謂不當食時而稍有飲食之事其設薦第臚醢而已若燕好而飲酒則主人當獻賓膳夫直代王爲獻主焉蓋臣莫敢與君亢禮也

論通

御案曰饗乃君臣相接之隆禮。凡設而不倚爵盈而不飲其禮極嚴。故王與后親獻焉。燕主盡歡以君臨之。則拘苦而不舒。故膳夫爲獻主。旣以浹賓主之情。而仍以存君臣之分也。

掌后及世子之膳。羞凡肉脩之。頒賜皆掌之。凡祭祀之致福者。受而膳之。以摯見者亦如之。歲終則會。惟王及后世子之膳不會。

注釋 前言王之膳羞。此言后及世子。見后及世子與王同也。脩與聘通。致福謂諸臣祭祀所歸于王之膳。膳之以給王膳也。摯謂羔鴈與雉。會謂計其多寡。王及后世子不會者。九式掌于冢宰。人主自不得而恣其用。不必以饋會之也。

通論 易氏祓曰。經言不會者五。裘與皮事。惟王不會。服與飲酒。膳禽之不會。則后亦與焉。膳則世子亦不會。蓋膳常

禮也。若裘與服。則有華靡之戒。膳禽飲酒。則有盤遊沉湎之戒。觀有司之會。不會而先王教世子之道。寓焉矣。

庖人 中士四人。下士八人。府二人。史。掌共六畜。切。丑六。六獸六

禽。辨其各物。凡其死生。鱸。同。鮓。同。藁。同。之物。以共王之膳。與其薦

羞之物。及后世子之膳羞。

注釋 庖人主庖厨者。六畜。馬牛羊鷄犬豕。六獸。麋鹿熊麝野豕兔。六禽。鴈鶉鳩雉。鳩。辨其各物。既賴其養。又致其

辨所以審物宜慎願養也。魚生肉，藁乾肉，脩物為薦，致滋味為羞。王獨言薦者，表至尊也。

共祭祀之好羞，共喪紀之庶羞。賓客之禽獻，凡令禽獻以瀆

授之，其出入亦如之。

註 好羞非常之羞，庶羞備物之羞。禽獻獻于賓客之禽，令禽獻，令獸人也。賓客禽獻各有成數，以數令之，所謂瀆

也。庖人令獸人，獸人送之為入，庖人又付之為出，如之者，如其瀆也。

凡用禽獻，春行羔豚膳膏香，夏行腍音渠鱠音鱣膳膏臊音素乃，秋

行犢麋音迷膳膏腥，冬行鱉羽膳膏膋音書然。歲終則會，唯王后

之膳，禽不食。

註 用禽獻謂煎和之以獻王。行猶用也。羔羊子豚豕子膳膏香，治羔豚以牛脂也。那乾味鱣乾魚膳膏臊，治鱣鱠

之膳禽不食

以犬膏也。犢小牛。麋小鹿。鹿膏腥。治犢鹿以雞膏也。鱸魚也。羽鴈也。熊膏羶。治魚羽以羊脂也。此八物者得四時之氣尤盛。故用休廢之脂膏煎和膳之。牛屬土。雞屬木。犬屬金。羊屬火。所以養脾肺肝與心也。唯王及后不會。見世子亦會也。

內饗中士四人。下士八人。府二。掌王及后世子膳羞之割烹

音烹。煎和胡卧之事。辨體名肉物。辨百品味之物。王舉則陳

其鼎俎以牲體實之。選百羞醬物珍物以俟饋。

注調和熟食曰饗。內者所主在內也。割烹割而烹之。煎和不及以洩其大過。君子所謂水火醢醢鹽梅齊之以味。濟其肉物哉。燔之屬。品味庶羞之類。辨之者。食各有宜。不可不謹也。以牲體實之者。取于饗以實鼎。取于鼎以實俎也。選擇也。百羞。庶羞百二十品。醬物即醬。用百二十饗珍物八

珍之類，俟饋俟
磨夫之饋也。

共后及世子之膳羞，辨腥臊羶香之不可食者。牛夜鳴則磨。

音羊洽。邱年毛而毳，羶犬赤股而躁，臊鳥麤。音標。色而沙鳴，狙。

依內則當作豮。豕育臑而交臑，音提。臑馬黑脊而般，臂蠖。

注復言后及世子者，后居深宮，世子學于虎門，皆別有饋者，故內饗止共其膳羞也。腥臊羶香本可食，辨者別其

臭味惡者也。臑謂惡臭，冷毛毛長毳結也。赤股股裏無毛躁疾走也。麤失色，沙猶嘶也。望視揚視，交臑目眈交毛也。

般臂臂毛有文，
蠖蠖蛄臭也。

凡宗廟之祭祀，掌割亨之事。凡燕飲食亦如之。凡掌其當作其

羞脩刑臠。火鳥。音切胡。胖骨鱸。以待共膳。凡王之好賜肉脩，則饗。

人共之。

註言宗廟之祭祀。明內饗不掌外神。言燕飲食。則王及后

註世子之自燕飲食也。羞庶羞脩銀脯。刑釧羹臠。大饗。肝如脯而腥者。骨牲體也。好賜肉脩。蓋王之膳脩之餘者。

外饗與內饗同掌外祭祀之割亨。共其脯脩刑臠。音胡陳其鼎俎。實

之牲體魚腊。凡賓客之餼饗。饗食之事亦如之。

註外饗者。所主在外也。外祭祀。謂天地山川社稷五祀。脯

註脩刑臠。皆割亨之品。牲體魚腊。皆實鼎之物也。殮客始

至之禮。饗既將幣之禮。饗即

饗禮。九獻。食即食禮。九舉也。

邦饗者。老孤子。則掌其割亨之事。饗士庶子亦如之。師役則

掌共其獻賜脯肉之事。凡小喪。紀陳其鼎俎而實之。

禴音老死王事者之祖父孤子其子也士庶子宿衛王官者勞將帥曰獻偏兵眾曰賜小喪紀謂夫人以下之喪

亨普庚人下士四人府一人史二人掌其鼎鑊胡郭切以給水火

之齊才細七切職外內饗之爨七切烹煮辨膳羞之物祭祀共大

黍音羹羹羹賓客亦如之

注煎人主為內外饗煮肉者鑊煎肉之器齊量也水有多寡火有緩急劑之使無過不及也犬羹不致五味盛于

登釗羹加鹽菜者盛之釗皆陪鼎也

論魏氏校曰今之厨役古乃以士為之事外無道也後世士多清談鼎鑊之事以為賤役事道判矣讀周禮者以此類求之庶知古人濕

恭朝夕執事有恪之義

甸師下士二人府一人史二人掌帥其屬而耕耨王藉以時八人胥三十人徒三百人

之以共齋

音盛音成

祭祀共蕭茅共野果

力果切

之薦

註

郊外曰甸甸師藉田之長也王以季春躬耕藉田甸師帥其胥徒同力終事若借之云爾以時入之者楚麥夏

熟禾黍秋熟以時入于神倉以供齋盛之用也蕭香蒿既奠燕之使陽氣達于腠屋茅菁茅束而立之使灌酒縮于其中植生曰果蔓生日蔬皆以供祭祀之需也

喪事代王受青莪王之同姓有辜則死刑焉帥其徒以薪蒸

役外內饗之事

通

國有大喪青莪已見矣唯恐尚有餘莪故以齋盛不潔為已罪而代受之文王世子公族有死罪則磬于甸人

磬者縣而縊殺之也夫木曰薪小曰蒸其徒三百人故又有給薪蒸之役

通

葉氏時日飲食之官雖曰共王膳羞而實崇祭祀之事先王以事人之禮事鬼以事存之禮事亡一食而且祭

其先一物而不忘其本而况齋盛之奉乎以何師而列于食官見先王一飲食而不忘孝也

獸人中士四人下士八人府二人掌辨四獸辨其名物冬獻史四人胥四人徒四十人

狼夏獻麋春秋獻獸物

注獸人主取獸以共用者罟田者以網罟而獵取之也狼皆獻此此者不但取以供

飲食亦所以除民害也

時田則守罟及弊田令禽注于虞中也祭祀喪紀賓客共其

死獸生獸凡獸八于腊人皮毛筋角八于玉府凡田獸者掌

其政令

注罟罟自罟之也時田謂四時田獵守罟則從王而守以防禽逸也弊謂田止虞中虞人所立虞旗之中注之于

五十一

レ

七

以授醢人掌凡邦之籍事。

籍 籓人主取互物者凡有甲之物為互言其設相交互也籍謂以杖刺于泥中取魚籓龜蜃與一切理物也然龜

蜃則獻于春籓魚則獻于秋所謂以時也籓即蚌

腊 音背人。史二人徒二十人。掌乾肉。凡田獸之脯腊臠胖。普

切之事。用祭祀共羞。豆。原本。脯薦脯臠胖。凡腊物賓客喪紀共

其脯腊。凡乾肉之事。

腊 人主治乾肉者。脯去骨腊帶骨臠全體。腊半體。腊物脯腊皆乾物也。

醫師 上士二人。下士四人。府二人。史二人。徒二十人。掌醫之政令。聚毒藥以共醫事。

用邦之有疾病者有比。比。音。瘍。音。者造焉則使醫分而治之。歲

終則稽其醫事以制其食十全為上十失一次之十失二次之十失三次之十失四為下

注 醫師醫官之長政令謂物產之宜採取之候治煉之方攻療之治毒五毒藥五藥醫師掌之聚之以共醫事之用也醫為仁術先王立師以掌之使眾醫分治民疾討其

功而制其食醫者可無求于病家則心清而業精病者不必酬醫則藥之及者廣而活者眾矣

黃氏度曰春秋傳曰晉侯有疾秦醫和謂趙孟曰國之長也榮其寵祿任其大政有戒禍興而無改焉必受其咎今君至于淫以生疾主不能禦是以云良臣將死也家宰王躬是保燥濕寒暑起居飲食皆當體察故醫師屬焉

食醫 中士掌和胡餅王之六食六飲六膳百羞百醬八珍

之齊 才細凡食齊眠春時羹齊眠夏時醬齊眠秋時飲齊眠

冬時凡和春多酸夏多苦秋多辛冬多鹹調以滑甘凡會膳
 食之宜牛宜稌音上羊宜黍豕宜稷犬宜粱鴈宜麥魚宜蔬凡
 君子之食恒放焉。

註食醫主和飲食者食飲膳羞醬珍制作自有常凜食醫
 和之欲使多寡厚薄各適其節以保護王躬也眠猶比
 和謂調滑甘者五味甘為生滑則通利往來使四時皆和
 也會者膳食各有相宜會而合之使氣味相成也放依也
 食數雖有品節

養道則一也。

疾醫中土掌養萬民之疾病四時皆有癘疾春時有疇首疾

夏時有痒疥疾秋時有癘寒疾冬時有嗽上氣疾以五味五
 氣五藥養其病以五氣五聲五色眠其死生兩之以九竅之

變參之以九藏才浪切之動凡民之有疾病者分而治之死終

則各書其所以而入于醫師

醫疾醫主治疾病者養之者調其有餘不足而使之平也言萬民不言王與卿大夫者王已防閑于未然卿大夫

所謂君子放焉者均應無疾病也癘疾氣不和之疾五味酸苦甘辛鹹五穀麻黍稷麥豆五藥草木蟲石谷五氣心

肝脾肺腎五聲官商角徵羽五色青黃赤白黑九竅陽竅七陰竅二九藏正藏五與胃膀胱大小腸兩之參之言診

視非一處其變其動言病情非一端也少曰死老曰終所以謂治之不愈之狀入于醫師將以制其祿也

瘍音羊醫下土掌腫瘍潰瘍金瘍折時設切瘍之祝音藥劑同殺

之齊同劑凡療瘍以五毒攻之以五氣養之以五藥療之以五

味節之凡藥以酸養骨以辛養筋以鹹養脈以苦養氣以甘

養肉以滑養竅。凡有瘍者，受其藥焉。

注瘍醫主治瘡癰者，視作注敷藥也。疾醫以治內為主，故先味而後藥。瘍醫以治外為主，故先藥而後味也。

獸醫下心十掌療獸病。療獸瘍，凡療獸病，灌而行之，以節之，以

動其氣，觀其所發而養之。凡療獸瘍，灌而副之，以發其惡，然後藥之。養之食之，凡獸之有病者，有瘍者，使療之，死則計其

數以進退之。

謹獸醫主治獸病者，灌謂灌之，以藥進退謂進退其祿。

論葉氏時日觀民之疾病，有醫見先王仁民之心，視獸之病，瘍有醫見先王愛物之心，所謂民無天札，物無庶虐者，由此矣。鄭氏伯謙曰：執技以事上者，唯醫術為難。精

故食醫之下有疾醫，調飲食不兼治病也。疾醫之下有瘍

醫察內證不兼外證也。瘍醫之

下有獸醫治禽獸不兼治人也。

酒正中士四人下士八人府二人掌酒之政令以式瀆授酒

材凡為公酒者亦如之。辨五齊才細切之名。一曰泛齊。二曰

醴齊。三曰盎齊。四曰緹音體齊。五曰沈齊。辨三酒之物。一曰事

酒。二曰昔酒。三曰清酒。辨四飲之物。一曰清。二曰醫於起切倚三

曰漿。四曰醕音移。

酒正酒官之長。政令者釀之有瀆。用之有禮也。式瀆授

事作酒者齊者調和之意。米化而漲曰泛。既變成糟曰醴

糟發上溢曰盎。糟凝色絳曰緹。清升糝下曰沈。此五齊也。事酒有事而新造者昔酒昔釀而已。熟者清酒久釀而清。澈者此三酒也。清謂醴之沛。醫謂粥之釀。漿謂米之汁。醕

謂粥之清
此四飲也

掌其厚薄之齊。以其王之四飲三酒之饌。及后世子之飲與
其酒。凡祭祀以灋共五齊三酒。以實八尊。大祭三貳。中祭再
貳。小祭壹貳。皆有酌數。唯齊酒不貳。皆有器量。共賓客之禮。
酒。共后之致飲于賓客之禮。醫醕糟。皆使其士奉之。凡王之
燕飲酒。共其計酒。正奉之。凡饗士庶子饗耆老孤子。皆共其
酒。無酌數。掌酒之賜頒。皆有灋以行之。凡有秩酒者。以書契
授之。



掌其厚薄者。或厚或薄。各有多少之齊也。饌具設也。五
齊五尊。三酒三尊。故八尊也。言四飲三酒。酒正辨其厚

薄以共王后世子之饌與飲其五齊三酒酒正又實于八
尊以共王之祭祀也。大祭謂天地中祭謂宗廟小祭謂五
祀貳益也。三酒人所飲故益之齊酒為尊者賢故不益也
禮酒王所致之酒王致酒。后致飲陰陽之義也。王之燕飲
有計而王之饗食無數一則嚴酒吏一則廣恩渥
也。頒賜有瀘秬酒有契誅賞有式此所謂政令也。

通論王氏安石曰。建國則王立朝。后立市。祭祀則王耕以供
粢盛。后蠶以為祭服。王獻尸。后亞裸。王親牽射牲。后親
徹豆籩賓客則亦王裸獻。后亞之。
王致酒。后致飲。皆夫婦相成之義。

酒正之出日入其成。月入其要。小宰聽之。歲終則會。唯王及

后之飲食。不會以酒。式誅賞。

輔注特謹其出。茲酒之意也。
誅賞謂作酒之善惡者。

酒人。奄十人。女酒三。掌為五齊三酒。祭祀則共奉之。以役世

婦共賓客之禮。酒飲酒而奉之。凡事共酒而入于酒府。凡祭祀共酒以徃。賓客之陳酒亦如之。

註酒人主造酒者為卽作也。世婦宮卿之官。掌女宮之宿戒。故因其酒而為之役。禮酒饗燕之酒。飲酒食時。酌戶之酒。酒府酒正之府。凡祭祀小祭祀。陳酒歸饗餼之酒。共酒以徃。以自有奉之者。徃待其令而已。

漿人。奄五人。女漿十有五。掌共王之六飲。水漿醴涼醫醕。入

于酒府。共賓客之稍禮。共夫人致飲于賓客之禮。清醴醫醕。糟而奉之。凡飲共之。

註漿人主造漿者。漿皆煮米為之。酒以共祭祀。漿則主于飲而已。故漿人無祭祀稍禮。非饗食之禮。王稍所給賓客者。夫人謂三夫人。

凌人。下土二人。府二人。史二人。掌冰。正歲十有二月。令斬冰。三

其凌。春始治鑑。凡外內饗之。膳羞鑑焉。凡酒漿之酒醴亦如

之。祭祀共冰鑑。賓客共冰。大喪共夷槃冰。夏頒冰。掌事。秋刷

所刮切

鑿。凌冰室也。凌人掌冰。主藏冰者也。正歲十二月。謂夏時

季冬大寒冰盛之時。所謂三之日。納于凌陰是也。三其

凌者。三倍其冰。以備消釋也。鑑。夷槃。皆盛冰之器。膳羞酒

漿。賓祀皆用之。恐氣溫而臭味變也。大喪用之。所以寒尸

也。夏頒冰。以賜羣臣。秋刷室。以待新冰。皆凌人主其事也。

籩人。奄一人。女籩十人。掌四籩之實。朝事之籩。其實。麩。音

豐。賁。音白。黑形鹽。膾。音鮑。魚鱠。脩。音饋。食之籩。其實。棗。棗。桃。乾。蓀。音

老。榛。實。

天官下 凌人 籩人

加籩之實。菱、芡、棗、脯、葵、芡、棗、脯、羞、籩之實。糗。

去九切。餌粉。音慈。

籩籩竹豆籩人主實籩者王薦腥后亞獻于是薦朝事之

薦饋食之籩乾蒸乾梅王酌尸后于是薦加籩加者象饋之有加也既酌尸后于是薦羞籩羞者象養之有羞也

凡祭祀共其籩薦羞之實喪事及賓客之事共其薦籩羞籩

為王及后世子共其內羞凡籩事掌之

醢薦羞皆進也未食飲為薦既食飲為羞內羞者房中之羞也

醢人奄一人女醢二人掌四豆之實朝事之豆其實韭菹醢吐

切醢昌本麋醢乃今菁菹鹿醢茆菹麋均醢饋食之豆其實

葵菹羸醢音醢脾析麋醢醢音魚醢加豆之實芹菹

免醢。深蒲醢。醢。音。苙。雁醢。荀苙魚醢。羞豆之實。醢食。糝食。

糝

並音

醢 醢肉醬。醢人主豆實者。豆與籩同時並設。醢肉汁。醢醬。也有骨曰羶。無骨曰醢。凡不言苙皆是齏。凡醢苙皆以氣味相成也。脾析牛百葉。

九 祭祀共薦羞之豆實。賓客喪紀亦如之。為王及后世子共其內羞。王舉則共醢六十。籩以五齊。切。子。西。七醢。七苙。三羶實之。賓客之禮。共醢五十。籩。凡事共醢。

直 王舉以下與籩人異。以王舉不用籩實。唯用豆實也。六。十者合之。醢人則百二十也。賓客共醢。謂致饗餼時。云五十者合之。醢人乃百。籩侯伯之禮也。

醢人奄二人女醢二掌共五齊切齋七菹凡醢物以共祭祀

之齊菹凡醢醬之物賓客亦如之

醢醢醋也醢人掌共醢者五齊七菹醬也合言之者醬須醢成味也

王舉則共齊菹醢物六十簠共后及世子之醬齊菹賓客之

禮共醢五十簠凡事共醢

王舉所共醢醢之物共于內簠以俟饋故有六十簠之多非一日而盡之也

鹽人同前掌鹽之政令以共百事之鹽祭祀共其苦同鹽散鹽

賓客共其形鹽散鹽王之膳羞共館鹽后及世子亦如之凡

齊音劑事鬻鹽以待戒令

黑白半之雖華而不至于靡後王之奉金玉文繡無所不至而龍鬚火浣進矣

高中士四人下士八人府二人掌王之六寢之脩為其井

寢音除其不蠲起呂切其惡臭共王之沐浴凡寢中之事埽

除執燭共鑪炭凡勞事四方之舍事亦如之

注 宮人主王寢者所以安息王躬也六寢路寢一以治事小寢五以燕休脩埽除之也井受水者匱流水者勞事

勞藝之事四方舍事王適四方之舍之事也

通 王藻君日出而視朝退適路寢聽政使人視大夫大夫退然後適小寢釋服春秋書魯莊公薨于路寢明其得

正儔公薨于小寢議其即安則人君非一寢明矣

論 王氏應龍曰後世凡便身煩勞之事皆屬于宦寺而周公必以屬士人欲其旦夕承弼而杜逢迎狎讒之漸也

孔安國侍中，以儒者聽掌。

唾壺唯漢制猶近古耳。

掌舍

下士四人，府二人，史四人，徒四十人。

掌王之會同之舍。

試夜切。

設檜

音陸，音栢。

五

再重

音龍切。

設車宮，轅門為壇壝。

音位。

宮棘門

音棘。

為帷宮

設旌門

無

宮則共人門，凡舍事則掌之。

舍

舍止息之所。掌舍主王舍者。王巡狩則會諸侯于方岳之下。王不巡狩則會諸侯于方明之壇。所至不可以無舍也。柎行馬也。以周衛有內外之別。故兩重設之。王宿險阻則列車為宮。而以轅表門。王宿平陸則築壇壝土為宮。而以戟表門。張帷為宮則立旌。

以為門常事。無宮則立人為門也。

幕

音莫。

下士一人，府二人，史二人，徒四十人。

掌帷幕幄

音烏，音剗。

帟

音亦。

綬之事。

凡朝

觀會同軍旅田役祭祀共其帷幕幄帟綬大喪共其帷幕帟綬。

三公及卿大夫之喪共其帑

生在旁曰帷在上曰幘皆布爲之四合象宮室曰幄半上承塵曰帟皆繒爲之四物者皆以綬爲連繫綬條也幕

人掌此五者王出宮則送與掌次張之大喪獨不設幄帷幘爲賓客飾帑爲亡者設也

掌次下士四人府四人掌王之灋以待張事王大旅上帝

則張氈案設皇邸朝日祀五帝則張大次小次設重帑重案

合諸侯亦如之師田則張幕設重帑重案

生次王次者居曰舍止曰次待張事待幕人共之而後張之也國有故而祭曰旅大旅上帝祭天子圓也

氈案以氈爲牀皇邸坐後之版而覆以染羽象鳳皇之色如今之屏風也朝日春分拜日于東門外祀五帝于四郊

次幄也大幄以候止息小幄以候行禮也重帑重案復帑重席也合諸侯謂以同爲氈于國門外師田王之師田也

諸侯朝覲會同則張大次小次師田則張幕設案孤卿有邦事則張幕設案

注此為諸侯張之也。師田謂諸侯從王而師田者孤卿謂王之孤有邦事謂以事從王或以王命出也。

凡喪王則張帟三重諸侯再重孤卿大夫不重凡祭祀張共旅幕張尸次射則張耦次掌凡邦之張事。

注喪言凡者以自王以下至孤卿大夫其制然耳旅衆也助祭者多不可人人獨設故張旅幕尸尊故別張其次。

耦次大射賓射衆耦所立之處凡有張事皆掌次張之也。

大音府下大夫二人上士四人下士八人府四人掌九貢九

賦九功之貳以受其貨賄之入頒其貨于受藏才浪切之府頒

其賄于受用之府。凡官府都鄙之吏及執事者受財用焉。

大府為王治藏之長。九功即九職。大宰掌之。而大府貳之也。金玉曰貨。布帛曰賄。受藏之府謂內府。受用之府

謂外府。蓋大府雖受其貨賄之入。仍分置于眾府也。官府六官都鄙采地執事府史胥徒有事需用官物者皆于大

府受之也。

凡頒財以式灋授之。關市之賦以待王之膳服。邦中之賦以

待賓客。四郊之賦以待稍秣。家削所孝切之賦以待匪旗。邦甸

之賦以待工事。邦縣之賦以待幣帛。邦都之賦以待祭祀。山

澤之賦以待喪紀。幣餘之賦以待賜予。凡邦國之貢以待弔

用。凡萬民之貢以充府庫。凡式貢之餘財以供玩好之用。凡

邦之賦用取具焉。歲終則以貨賄之出入會之。

註 式灋卽九式之灋。關市以下皆所授之灋也。稍秣卽芻秣。喪紀卽喪荒。賜予卽好用。弔用蓋兼凶札喪荒禮恤而言也。

論 御案曰。獨言以九貢待弔用者。王朝所用于邦國。唯弔禮喪荒爲多。故特揭之。以示邦國之職貢。仍以救邦國之禍。裁者。十居八九。而朝覲之享燕。饗積。頰省之幣。齎則于九賦中。賓客幣帛二式具之。所以懷諸侯而大服其心也。又曰。大府職旣言九賦以待九式。而又言萬民之貢以充府庫。司會職旣言九賦令田野之財用。而又言九功令

民職之財用。載師任地。閭師任民。皆兩兩對言之。其爲兩項甚明。蓋大宰之九職。其濶通乎畿內。並及四國者也。閭師之八貢。其征止于國中及四郊者也。其國中及四郊之地。載師之所任者。已列于九賦矣。而此外之民。有不與于任地之數者。則閭師以任力之濶任之。居山居澤。另作其財。若工若商若牧。各攻其業。于載師宅土。賈官牛。賞牧諸田之外。別民而任之。農于載師場圃之外。別民而任之。圃嬪婦受絲枲而化治之。凡其所貢。則專以共上。故曰以充府庫。如是則載師之賦。固不及之。而九職之貢。自與賦別。

也。又曰有物可好而玩之以適其情。雖聖人不廢以經傳攷之。舞衣大貝。兌戈垂矢。見于尚書。魯壺紀甗。見于春秋傳。要亦禮樂之器具。故後世傳為宗器重寶。而當時直以為玩好而已。

用禮菁華曰大府以下諸職皆出納會計有司故隸于冢宰以制國用也。唯冢宰以道佐人主。上得以約王后世子之過取。下得以制有司之擅供。凡事皆有定式。大府但秉成式而頒之。則侈心溢志不戒自抑。所以常有三十年之通而民無凶荒水旱之患也。

玉府。上士二人。中士四人。府二人。史二人。工八人。賈八人。胥四人。徒四十有八人。**掌玉之金玉玩好兵器。凡良貨賄之藏。共王之服玉佩玉珠玉。王齊**
均皆則

共食玉。大裘共含玉。復衣裳。角枕。角栴。

注 王府所掌。以王為主。而器玩之珍異。亦兼掌之。服玉謂精巧。與凡貨賄之貴重者。亦兼掌之。服玉謂

瓊弁玉纓之類。佩玉謂珮瑀珩璜之類。珠玉謂環玉為珠。以貫冕弁者。食玉謂以玉為屑齋則食之以養陽氣者。含

玉見大宰職。復衣裳。以生時之衣裳。用以招魂。復魄也。角枕。以枕尸。角栴。以楔齒。令可含飯也。

論 陳氏道祥曰。古之君子必佩玉。其色有白黑蒼之辨。其聲有角徵宮羽之應。其象有仁智禮樂道德忠信之備。

或結或垂。所以著屈伸之理。或設或否。所以適吉凶之宜。此所以純固之德。不內雜。非僻之心。無外入也。

掌王之燕衣服。衽席牀第。**阻史** 凡褻器。若合諸侯。則共珠槃。

玉敦。**對音** 凡王之獻金玉兵器。文織良貨。賄之物。受而藏之。凡

王的好賜。共其貨賄。

注燕衣服者巾絮寢衣之屬。衽卧席第簀也。襲器清器。虎
子之屬。珠槃飾珠以爲槃。所以盛牛耳玉敦飾玉以爲
敦。所以盛牛血。皆會盟所用也。文織蓋帛之有文織
而成之者。好賜玉有恩于羣臣。因燕飲而賜之者也。

總論御案曰。王之燕衣服。凡襲器皆掌于玉府。則冢宰小宰

得檢察。雖以良貨賄共之。而毋敢作淫巧以蕩上心矣。

內府中士二人。府一人。受九貢九賦九功之貨賄。良兵良

器。以待邦之大用。凡四方之幣獻之金玉齒革兵器。凡良貨

賄入焉。凡適四方使者。共其所受之物而奉之。凡王及冢宰

之好賜予。則共之。

注內府主貨賄。藏在內者。貨賄卽天府所頒良兵器。卽玉
府所受幣獻。謂諸侯之贄禮。貢物如金玉齒革兵器與

貨賄皆是。使者謂遣至諸侯之使。所受謂受賜諸侯之物。冢宰待四方賓客之小治。或有賜予。皆內府共奉之。

外府與內府同掌邦布之入出。以共百物。而待邦之用。凡有灋者。

共王及后世子之衣服之用。凡祭祀賓客喪紀會同軍旅。共

其財用之幣。齋音資賜予之財用。此邦之小用。皆受焉。歲終則

會。唯王及后之服不會。

注外府主泉貨之在外者。布泉也。自其出之有源。言曰泉。自其佈散不滯。言曰布。入出謂入之復出也。共百物者。

一切所用之物。或作之。或買之。皆以邦布致之也。邦用謂經費有灋。則給之。無灋不給也。以下皆言其灋。幣齋謂裏

送之費。

疏御案曰。內府掌受九貢九賦九功之貨賄。此皆生于天

府。產于地利。成于民力。所謂財用之大源。下之所以共上也。外府掌邦布之入出。以馭輕重。以酌貴賤。以通有無。所謂財用之大權。上之所以制下也。自外而藏諸內。故曰內府。自內而布諸外。故曰外府。又曰幣卽布也。禹發莊山金鑄幣。濟民。不曰共其幣。齎而曰財用之幣。齎者量所應用財物。而給之幣。以爲齎也。曰賜予之財用者。若王命賜以宮室衣服。而無夙成者。亦量其所用財物。而給以布。

論 王氏昭禹曰。古者寶龜而貨貝。所交易者唯貝而已。至太公立九圍。始用錢以代貝。此邦布所以掌于外府也。周官一書。半爲理財。國本在農。國計在桑麻穀粟。國用在金玉布帛。則邦布特以權百物之低昂。時出以佐國用。

之不及豈若後世窮

山竭治以供鼓鑄哉

司會

古外切中大夫二人。下大夫四人。上士八人。中士十人。徒五十人。

邦之六典八灋八則之貳以逆邦國都鄙官府之治

注

會計也。司會主天下之大計者。六典八灋八則之貳已掌于小宰而司會亦掌之者。蓋其職在會計。故逆受而

鈎放之。所以計其治也。六典以逆邦國。八灋以逆官府。八則以逆都鄙

九貢之灋。致邦國之財用。以九賦之灋。令田野之財用。以

九功之灋。令民職之財用。以九式之灋。均節邦之財用。

注

九貢謂每歲之常貢。曰田野之財用者。自邦中以至山澤。其地有八。自三農以至閭民。其職有九。載師以九賦

之灋。隨地徵之者是也。曰民職之財用者。閭師以九功之灋。隨其職徵之者是也。貢賦功。取財之常灋。式用財之常

灋均節者。因所出以共

灋均節者。因所出以共
所用使均平有節也。

學國之官府郊野縣都之百物財用。凡在書契版圖者之貳。
以逆羣吏之治。而聽其會計。

注 百物財用。皆有書契版圖。紀載為書。合驗為契。人民曰
版。土地曰圖。司會欲知財用出入。故掌其書契之貳。欲
知夫家山林用澤所入之財數。故掌其板圖之貳。以此逆
羣吏之治。則征斂之虧完。給散之虛實。存積之多少。皆不
可掩。而吏治之寬殘。廉污亦因之可見矣。

以參互考日成。以月要於交切考月成。以歲會考歲成。以周知
四國之治。以詔王及冢宰廢置。

註 以三者之為參。以兩考之為互。日成謂旬計。月成謂月
計。歲成謂歲計。如此。則吏之能否。治之得失。無不周知。

告于王與冢宰而廢置。總上羣吏之治四國之治言不徒鉤攷財用也。

論通

御案曰。成周財賦徵斂者皆地官之屬也。鉤攷者皆天官之屬也。載師任地。故通掌徵賦之令。鄉之徵斂統于閭師。遂師徵遂之財。征縣師徵野之賦貢。凡貨物則入于玉府內府。其粟米則近者輸于王都。而掌于廩人。倉人。遠者各留其地。俾遺人旅師委人分守。而時頒之。而貨物之待賓客軍旅者。亦存貯而散布于畿內。司會所掌郊野縣都之百物財用是也。然司會任重而事殷。懼鉤攷之未能無漏也。故又有大府專掌式灋以頒財。司書專掌版圖要貳。

以周知百物之出入。而宰夫復掌治灋。以致百官府羣都縣鄙之治。乘其財用之出入。以詔冢宰誅賞。蓋必用無冒。濫然後蓄積足恃。而民力可紓。補助常周。凶禮有備也。

易氏祓曰。冢宰歲終受歲會。而無月要之文。小宰月終受月要。而無日成之文。宰夫旬終正日成。而無參互之文。財用散在有司。而總滙于司會。自宰夫以上。又遞職其要焉。

司書 上士二人。中士四人。府二人。史四人。徒八人。 掌邦之六典八灋八則九職九

正音征九事。邦中之版。土地之圖。以周知入出百物。以叙其財。

受其幣。使入于職幣。

司書 主會計之簿者。九正即九賦。九事即九式。叙比次也。叙財知餘財。受幣知餘幣。職幣主餘財者。故入之。蓋

典灋則掌于大宰。版圖掌于司徒。而司書則掌其書也。

凡上之用財用。必攷于司會。三歲則大計羣吏之治。以知民之財器械之數。以知田野夫家六畜之數。以知山林川澤之數。以逆羣吏之徵令。凡稅斂掌事者。受灋焉。及事成。則入要貳焉。凡邦治攷焉。

司會 上謂王與冢宰。王與冢宰之好賜。予必攷于司會者。以司會均節邦之財用也。大計者。日有成。月有要。歲有會。三歲又總而計之也。上所召曰徵。下所稟曰令。逆之者。恐羣吏之橫取于民也。稅斂之灋。藏于司書。故掌其事者。從而受焉。要貳者。物數之要。要書之貳也。事成入于司書。備鉤考也。凡邦治攷焉者。司書于典灋。則無下知。故欲知國家治灋。吏治得失。皆于是攷之。

通論

御案曰民之財也。器也。械也。田野夫家六畜也。最爲鎖細難知。而司書知之者。六鄉則由族師登之。以上于鄉師。六遂則由鄒長登之。以上于遂師。甸都鄙之公邑亦各由邑宰有司。以上于縣師。而小司徒總之。三歲大計。則地官悉以其數移于天官。故司書得據而知之也。知民財器械之虛實。夫家六畜之衆寡。山澤生殖之息耗。則吏之剝下與能休養生息者。不可掩矣。徵令之應變通以宜民者。亦可得矣。于器械六畜外。別言民之財。則財爲布帛菽粟。可知。山林川澤之數。謂所生財物之多寡也。阜民之財。乃良

吏之實迹。故大計羣吏首舉民之財。而終于逆其敎令。

論 李氏叔寶曰。幽風陳王業之由。不出夫耕婦饁烹葵剝

失其時。數語。故周官羣吏之治。治此而已。三歲之計。計此而已。後世課羣吏者。責辨賦稅。與夫簿書獄訟之末。至民生之厚與否。田野之闢與否。不恤也。安識成周計吏之意哉。

職內 竇上士二人。中士四人。府

納四人。史四人。徒二十人。掌邦之賦入。辨其財用之物

而執其總。以貳官府都鄙之財入之數。以逆邦國之賦用。凡

受財者。受其貳令。而書之。及會。以逆職歲與官府財用之出

而叙其財。以待邦之移用。

注 職內主邦賦之入者。總謂稅入之大凡。貳副本也。逆其出者。鈎攷其已用之數也。移用謂轉運及他。

職歲上士四人中士八人庶四人史八人徒二十人掌邦之賦出以貳官府都鄙之

財出賜之數以待會計而攷之凡官府都鄙羣吏之出財用

受式灋于職歲凡上之賜予以叙與職幣授之及會以式灋

贊逆會

職幣

職歲主歲計之出者職幣掌幣餘故賜予以叙使授之及會及司會之會贊逆會者助司會之鉤攷也

職幣上士二人中士四人府二人史四人賈四人胥二人徒二十人掌式灋以敘官府都鄙

與凡用邦財者之幣振掌事者之餘財皆辨其物而奠其錄

以書揭其列切之以詔上之小用賜予以歲終則會其出凡邦之

會事以式灋贊之

職幣主財賦之餘者振收也。諸掌事者足用而有餘則職幣檢舉之。別其物色而定其錄籍。又書其日月以表

識之。王有小用及賜予則以此詔之。贊亦贊司會也。

總黃氏度曰。周公設官理財居半。賜用之數。驗之以書契。督之以要成。證之以歲會。攷之以參互。制之有式。辨之

有類。執之有總。小數之則乘。大數之則會。職歲所終。職幣所振。雖餘財然猶加肅焉。

通論集註曰。奢侈常生于有餘。節儉常生于不足。漢武因貫朽粟陳。而用度無藝。唐元宗因左藏充溢。而賞賜無極。

成周所以覺察餘賦。如是之嚴。正恐人君以有餘而妄費也。

司裘中士二人。下士四人。府二人。史四人。徒四十人。掌為大裘以共王祀天之服。中

仲。音秋。獻良裘。王乃行羽物。季秋獻功裘以待頒賜。

注司裘主王裘服者。大裘。黑羔裘。服以祀天。尚質也。良裘。王所常服者。美裘也。月令孟冬。天子始裘。故于仲秋先

獻之羽物小鳥鷄雀之屬行之者順始殺以賜羣臣也功裘人功所成彌大夫之服故于季秋乃獻之。

王大射則共虎侯熊侯豹侯設其鵠諸侯則共熊侯豹侯卿

大夫則共麋侯皆設其鵠大喪廢音裘飾皮車凡邦之皮事

掌之歲終則會唯王之裘與其皮事不會。

注大射天子與羣臣飲酒之射言大射以別于燕射賓射也虎熊豹者各以其皮飾侯之側所謂鵠也王射虎諸

侯射熊大夫以下射豹若諸侯來祭而與射則共熊與豹諸侯之卿大夫則共麋而已皆設其鵠不以畿外而有異

也按後鄭註諸侯謂三公及王子封于畿內者卿大夫亦皆設其鵠諸侯之大夫以下射豹若諸侯來祭而與射則共熊與豹

諸侯之大夫以下射豹若諸侯來祭而與射則共熊與豹諸侯之大夫以下射豹若諸侯來祭而與射則共熊與豹

諸侯之大夫以下射豹若諸侯來祭而與射則共熊與豹諸侯之大夫以下射豹若諸侯來祭而與射則共熊與豹

諸侯之大夫以下射豹若諸侯來祭而與射則共熊與豹諸侯之大夫以下射豹若諸侯來祭而與射則共熊與豹

之唯王不會不言
后后無皮服也

論語

御案曰射義之文朱子固疑之矣。卽將祭而射以擇助者。恐亦未可信也。天子之祭。大宰贊玉幣。大司徒奉牛牲。大宗伯奉玉盞。大司馬羞牲魚。大司寇奉犬牲。卿或以下。迄于百執事。共職有常。射而不中。將以何官易之。蓋祭祀于事爲大。將祭宜先肄禮。而禮不可空肄。唯射事爲宜。故舉行此射以習禮樂。而非必有所去取也。

朱子曰禮記射義射中則得爲諸侯。否則不得爲諸侯。此等語皆難信。卽書謂庶頑讒說。侯以明之。亦大槩以射審其氣度耳。若專以此爲去取。則如有羿之伎能者何。

掌皮下士四人。府二人。掌秘斂皮冬斂革春獻之。遂以式瀆

頒皮革于百工共其毳此芮切毛為毼以待邦事。歲終則會其

財齋。

韋掌皮主共皮毳者。毳連毛為皮。去毛為革。陳治為韋。財謂皮數。韋謂泉布也。

內宰下大夫二人。止士四人。中士八人。府四人。史八人。胥八人。徒八十人。掌書版圖之灋以治

王內之政令。均其稍食。分其人民以居之。以陰禮教六宮。以

陰禮教九嬪。以婦職之灋。教九御。使各有屬。以作二事。正其

服禁其奇音基。襄音邪。展其功緒。

圖內宰掌宮禁之事。版。錄闈寺女奄之名。圖。畫宮寢廬舍之狀。王內謂宮中。政令謂灋禁人民者。闈。寺奄。奚。府史。

不徒之類。六宮后有正寢一。燕寢五。九嬪六宮之外有三夫人。教以陰禮。所以成其德也。九御九嬪又各屬九人。教以婦職。所以課其功也。二事。謂絲枲。奇衰。謂媚道。緒業也。

大祭祀后裸獻則贊瑤爵亦如之。正后之服位而詔其禮樂之儀。贊九嬪之禮事。凡賓客之裸獻瑤爵皆贊致后之賓客之禮。凡喪事佐后使治外內命婦正其服位。

大禘

大祭祀宗廟之祭。后亞裸用璋瓚。朝踐至酌尸用瑤爵。服若禕衣以下之六服。位謂房中戶內及阼所立處。禮樂之儀謂出入進止之節。與禮樂相應者。九嬪祇事謂贊后薦玉盞徹籩豆賓客謂諸侯來朝王享。而后有裸獻瑤爵之禮。凡此皆內宰贊九嬪以贊后也。若后有賓客之禮內宰亦致之。喪事后當治命婦之服位。內宰亦佐之焉。

凡建國佐后立市設其次置其叙正其肆陳其貨賄出其度。

量音淳音制祭之以陰禮

注建國必面朝後市。王立朝。后立市。除陽相成之義。次謂其官之次。叙謂其地之叙。肆謂陳物之肆。度丈尺也。量

豆區之屬。淳謂幅廣。制謂匹長。陰禮婦人之祭禮。內宰皆佐之。此不過遷國之初。后掌其禮。既立市。后即不得與其

事故。司市夫人過市則有罰焉。

通朝以聽天下之政。故君立之。天道也。市以聚四方之貨。故后立之。地道也。

中仲春詔后帥外內命婦始蠶于北郊。以為祭服。歲終則會

內人之稍食。稽其事。功佐后而授獻。功者比其小。大與其麤

良而賞罰之。會內宮之財用。

注仲春始蠶之時。北郊正陰之位。天子耕于南郊。故后蠶于北郊。內人謂九御。前既均其稍食。展其功緒。故歲終

則會之稽之獻功者。九御之屬各陳其絲枲之功也。小大以所成之物言。麤良謂小。大中有美惡者。賞罰于稍食中。上下之也。內宮謂夫人以下。其一歲所用財。內宰皆會計之。此見古聖王謹內治明內教。而為萬民所則效也。

正歲均其稍食。施其功事。憲禁令于王之北宮。而糾其時。上

春詔王后帥六宮之人。而生種稔音六之種。而獻之于王。

注 正歲建寅之月。稍食終歲既會之。正歲又均之。功事歲終既稽之。正歲又施之。蓋前事畢而後事又始重之也。

北宮謂后之六宮。係于王者。明用王之禁令也。上春亦正歲。先種後熟為種。後種先熟為稔。生其種而獻于王。待王躬耕以共

郊禘也。

論 鄭氏錡曰。經于種稔之種。凡三言之。司稼辨之。而縣于邑閭。俾農氓以為式也。宮人縣之。內宰詔生之。共王后

之獻也。李氏覲曰。二后之尊。而親蠶。則天下女子莫不執懿筐矣。王后之尊。而獻種。則天下女子莫不饁南畝矣。

王后之尊而勤禮職則天下女子莫不執婦道矣。

論鄭氏鏞曰天子理陽道后治陰德風化並行故贊治之官皆曰宰內宰屬大宰者以治家之道亦多權衡審計

為大臣格心之所自出也今考內宰下大夫二人凡宮內之人皆統焉而隸于大宰蓋女寵近習所以移人君之德者無所不有以大臣總之則無敢踰節矣巷伯之雅寺人為之雖奄官亦遜其選晉侯近女感疾醫和以為趙孟之過古人致君二南之化其道如此柯氏曰成周內宰宮正宮伯宮人皆士大夫為之而又統于大宰非若後世專用奄豎而大臣不得與聞宮禁之事也漢初大長秋中常侍猶參用士人東京以降專用宦者而人君燕游居養大臣不復知矣

內小臣 奄上士四人史二人徒八人 掌王后之命正其服位后出入則前

驅若有祭祀賓客喪紀則擯詔后之禮事相九嬪之禮事正

內人之禮事徹后之俎

注

內小臣奄人共后之使令者內宰之正服位謂大祭祀此則在宮之常儀也。擯為后傳辭有所求為詔者先事而告相者助其不及正者糾其違慢皆擯也尊卑異爾俎謂后受尸醉爵飲于房中所設之俎

后有**好**

黑與切下同

事于四方則使往有好令于卿大夫則亦如

之掌王之陰事陰令

注

好事以物問遺好令以言問勞也陰事羣妃御見之事陰令王所求為于北宮者

論

御案曰必典章素諳而後能正王后之服位必儀文備

悉而後能詔六宮之禮事必言語謹信而後可通好事好令必性行端慤而後可掌陰事陰令故羣奄中惟內小臣

四人爲上士

通論

柯氏曰周禮惟內小臣有奄祇上士四人掌命令正服位而已其他未有以爵稱者夫宦官之位天象所有指其居欠則在帷簿之內論其職掌或間牀第之言其用奄人宜矣然古人之奄者皆是有罪刑人先王不枉其材而用之非如後世著青衣紫無故而自刑者也夫極治之時無他人主親近端人正士不使刑人在側而已是以成周盛時內小臣闈寺之屬悉統于冢宰其職卑其數寡人主不得以私意昵內臣不得以非道干故侍御僕從罔非正人此先王治內之嚴也周衰春秋豎貂立公子無虧奄人與廢立矣戰國繆賢薦蘭相如奄人與薦舉矣恃勢怙寵漢唐之間尚忍言哉

闈音人。王宮每門四人。掌守王宮之中門之禁。喪服凶器不

入宮。潛服賊器不入宮。奇服怪民不入宮。凡內人宮器賓客

無帥則幾其出入以時啟閉凡外內命夫命婦出入則為之

闕富作

闕 闕人主宮門之啟閉者王有五門外曰臯門二曰庫門
三曰雉門四曰應門五曰路門 中門者雉門也臯

門庫門臣民皆可入雉門以內非臣不可得而妄入故以
闕人守之喪服謂衰經凶器謂明器潛服謂衰甲者賊器

戍人之器奇服非常之服怪民左道之民公
器公家之器幾猶譏也闕辟行人使無干也

掌壻門庭 大祭祀喪紀之事設門燎蹕宮門廟門凡賓客亦

如之

通 門庭門相當之地燎地燭也蹕止行者宮正職彼洗燭
以為明隸僕蹕止行者主官中廟中此則地燭自舉主

宮門廟
門也

寺音侍人王之正掌王之內人及女宮之戒令相道其出入之

事而糾之若有喪紀賓客祭祀之事則帥女宮而致于有司

佐世婦治禮事

寺人侍人也取親近瀆御之義此在人之賢智者昔寺人披自稱刑臣明寺人之為奄人也內人謂女御女官

則備使令者有司宮卿世婦之屬

掌內人之禁令凡內人弔臨于外則帥而往立于其前而詔

相之

相上言戒令謂在宮有警戒之令此又言禁令謂有時弔臨于外有禁止之令弔臨謂王后哭其親族內人相從

則帥之而往相詔其禮必立于其前者不如此不可以詔相禮事也內小臣擯王后亦然

內監音倍樹之數寺人掌內外之通令。凡小事若有祭祀賓客喪紀

之事則為于偽切內人蹕王后之喪遷于宮中則前蹕及葬執

褻器以從遣車

在輔監童監未冠之官。內六宮外卿大夫通令傳言也。凡小

事。事之小者若賓祭之大事則為內人之從。世婦者蹕焉。喪遷者將葬而朝于廟也。褻器者振飾頰沐之器。從遣車者遣車載牲體鬼神所依。執之以從若生時也。

九嬪掌婦學之灋以教九御。婦德婦言婦容婦功各帥其屬

而以時御叙于王所。凡祭祀贊玉齋音齋贊后薦徹豆籩。若有

賓客則從后大喪帥叙哭者亦如之。

嬪嬪婦也。昏義曰古者天子后立六宮三夫人九嬪。二十七世婦八十一御妻不列夫人于此官者夫人之于后

猶三公之于王。無官職也。九嬪受教于內宰。能知婦學之
灋。學卽貞順之德。詞令之言。婉婉之容。絲枲之功也。九嬪
習于四事。是以各教其女御使。九九相從。以時進于王所
也。王盥盛黍稷之器。后進王盥。薦徹邊豆。皆九嬪贊之也。
王享諸侯。后當助王享。九嬪當從后。往。
喪朝暮哭。班有先後。九嬪亦從后叙之。

灋 鄭氏康成曰。凡羣妃御見之灋。月與后妃其象也。畢者
宜先。尊者宜後。女御八十一人。當九夕。世婦二十七人
當三夕。九嬪九人。當一夕。三夫人當一人。
后當一夕。亦十五日而徧云。自堯後反之。

世婦 掌祭祀賓客喪紀之事。帥女宮而濯摝。爲盥盛及祭之
日。涖陳女宮之具。凡內羞之物。

世婦 後宮官。卽所謂二十七世婦也。與春官世婦有別。
概拭也。將以爲盥盛也。春官世婦。掌女宮之宿戒。比其
具。此直臨之而已。內羞房中之羞。
邊人。臨人共之。而世婦涖陳之也。

掌弔臨于卿大夫之喪。

注釋 卿大夫有喪。王后所不親弔。則使世婦往。以世婦與卿大夫爵秩相當也。

女御。掌御叙于王之燕寢。以歲時獻功事。凡祭祀贊世婦。

注釋 女御後宮官。即所謂八十一御妻也。御叙則不偏獻功。則不佚贊者助其帥。治女官也。

大喪。掌沐浴后之喪。持翠。所甲從世婦而弔于卿大夫之喪。

注釋 沐浴用潘。浴用湯。始死為之于南牖下。嬰棺飾。持者持而從柩車也。

女祝。四人。奚。掌王后之內祭祀。凡內禱祠之事。掌以時招梗。

禴禘。常之事。以除疾殃。

注釋 女祝宮女。晚祈禱者。內祭祀。六宮之中。竈門戶。祠報福也。招取祥。梗禦惡。除灾曰禴。御變曰禘。

女史

八人。奚十。有六人。

掌王后之禮職。掌內治之貳。以詔后治內政。

逆內宮書內令。凡后之事以禮從。

注

女史宮中曉文書者。禮職王后之禮。各有所職也。內治之貳。內宰主之。女史貳之也。內宰雖治王內之政。令窵

有男女之嫌。必以史女詔后治內政。而後便于事也。逆鉤考也。書宣布也。以禮從。亦如太史之從王也。

論

柯氏曰。成周一代后妃多賢。是豈獨師傅保妣之助哉。蓋其嬪御祝中。亦皆幼窵之淑女。掌其教質其禮。詔其

嫩。匡其過。相與輔導。警成以成其德。子孫世有哲王。不亦宜乎。漢唐以來。上不知教。下不知學。令德無間。有由然矣。

典婦功

中士二人。下士四人。府二人。史。掌婦式之滌。以授嬪

婦及內人女功之事。齋音谷。凡授嬪婦功。及秋獻功。辨其苦良。

比其小大而賈音椽之物。書而楬音結之。以共王及后之用。頒之。

于內府。

典

典主也。主婦人之功之長也。婦人不親絲枲，則耽于逸樂而淫邪易生，故立典婦功官以督之。婦式，婦事之模範。灋，用財之舊數。此嬪婦乃民人之任女事者，外工也。內人，內工也。事，齋治事之費也。賈，謂計其直。楬，謂書其實。頒

于內府，以共王后之用也。

于內府，以共王后之用也。

典

下士二人，府二人，史二人，掌絲入而辨其物，以其賈楬之。

掌其藏與其出，以待興功之時，頒絲于外內工，皆以物授之。

凡上之賜予亦如之，及獻功則受良功而藏之，辨其物而書

其數以待有司之政令，上之賜予。

注

典，絲主婦功治絲事者。后宮所蠶之絲，自為祭服之用。此絲當是他州所貢者，待其時若溫暖宜，縑帛清涼宜。

文繡也。外內工。謂外嬪婦與內女御。以物授之。如繡。則授以素絲。文繡則授以采絲也。亦如之者。謂亦如其物以授其絲也。良者藏之。將以共王與后之用。苦者書其數。所以待政令與賜予也。

凡祭祀共黼畫組就之物。喪紀共絲續組文之物。凡飾邦器者受文織絲組焉。歲終則各以其物會之。

黼。白與黑色為黼。雜飾五色為畫。就者采色一成。物者絲之物也。黼畫以為衣服。組就以為冕旒。絲續絲絮以俟絕氣。組文青色。所以繫屨也。邦器如茵席旂旗之屬。文織以文為織。絲組以絲為組。會者各以所飾之物別為計也。

典下士二人。府二人。史二人。徒二十人。掌布總纒紵之麻草之物。以待時頒

功而授齋資作及獻功受苦功。以其賈褐而藏之。以待時頒

衣服授之賜予亦如之歲終則各以其物會之

關典象主婦功治象之事者麻未緝曰象布總縷用麻物
送符用草物受苦功者其良功入于典婦功其苦者存以

待頒也授
授受頒者

內司服奄一人女御掌王后之六服禕音輝衣揄音揄狄同闕狄

鞠衣展音戰衣綠音綠衣素沙音素辨外內命婦之服鞠衣展衣綠

衣素沙

註內司服宮中裁剪之長狄當作翟音翟一名翟一名搖
五色皆備王后之服刻繒為形而采畫之綴于衣以為

文章禕衣畫翟者揄翟畫搖者闕翟刻而不畫三者皆祭
服從王祭先王則服禕衣祭先公則服揄翟祭羣小禮則

服闕翟鞠衣黃桑服也展衣白以禮見王及賓之服祿衣
黑御于王及燕居之服以下推次其色則闕衣未揄衣青

禕衣玄。婦人尚專一。衣裳無異色也。素沙白縛為裏使之張顯。皆袍制也。內命婦之服。九嬪當鞠衣。世婦當展衣。女御當祿衣。外命婦之服。其夫孤則鞠衣。

論源 其夫卿大夫則展衣。其夫士則祿衣。鄭氏錡曰天子之服九。取陽數之極。王后之服六。取陰數之中。禕言衣。則知揄闕亦衣。揄闕言翟。則知禕衣亦翟也。

凡祭祀賓客。共后之衣服。及九嬪世婦。凡命婦共其衣服。共

喪衰。七雷切亦如之。后之喪共其衣服。凡內具之物。

注

共后之衣服者。祭祀共三鬯。賓客共展衣。九嬪世婦。謂助后祭。祀賓客時。凡命婦兼外內命婦言。喪衰外命婦

為王服。齊衰于后無服。若九嬪以下及女御。于王服斬衰于后服。齊衰也。后喪所共衣服。如襲時十二稱之類。內具

如紛。挽線。續之屬。

縫人奄二人。女御八人。掌王宮之縫線之事。以役女御以

縫王及后之衣服。喪縫棺飾焉。衣于既。髮柳之材。掌凡內之

縫事

在輔 縫人主成衣者。線縷也。女御裁縫王及后之衣服。縫人則助為之。役者為女御所役也。棺飾若存時之帷幕。加

之以文繡。髮方扇。柳帷。荒請先纏衣其材。乃以張飾。所謂棺飾也。

染人下士二人。府二人。掌染絲帛。凡染春暴步卜切。練夏纁玄

秋染夏戶雅切。冬獻功。掌凡染事。

在輔 染人主嬪婦染練之事。屬典婦功。其他染事屬冬官。染而後織為染絲。織而後染為染帛。暴練暴其素而練之

也。纁緋色。玄纁夏暑而後可以染此色。夏夏翟。其羽五色。秋涼而後可以染此色。獻功。玄纁與夏。至冬皆成功也。凡

染事則不特

絲帛而已。

追

音下土二人。府一人。史二人。工二人。徒四人。

掌王后之首服。為副編次。追衡

筭。為九嬪及外內命婦之首服。以待祭祀賓客。喪紀共筭。經

亦如之。

冠

治玉曰追。追師主治玉。以為首飾者。副覆首之飾。服之

以祭者。編列髮為之。次隨髮之長短為之。服以見王者。衡充耳者。筭卷髮者。皆以玉為之。外內命婦。衣物展者。服編衣祿者。服次筭經者。筭與經也。筭則以櫛為之。

屨

音下土二人。府一人。史二人。工八人。徒四人。掌王及后之服。屨為赤鳥。黑鳥

赤纁

音黃纁。音素纁。音素纁。音素纁。辨外內命夫命婦之命。屨功

屨散屨。凡四時之祭祀。以宜服之。

鳥

履人主為履者連言服者服各有履也。復底曰烏。禪底曰履。纁底縫之飾。紉頭上之飾。烏履皆有也。命履受命之履。功履其次者散履無飾。又其次也。以宜服之者。順文推之。上言王后下言赤烏則王烏也。黑烏則后烏也。赤纁黃纁當為赤烏之飾。青句當為黑烏之飾。皆祭烏也。素履常履葛屨夏履也。下三履其辨未議。

通論婦人服飾之美。最所易誇。上飾于首。下飾于足。皆有定制。而領于冢。幸風化之本。所係豈小哉。

夏 戶霜切 **采** 下士四人 **史** 一人徒四人 掌大喪以冕服復于太祖以乘 繼證切

車建綏 作綏如追切 復于四郊。

夏 采掌大喪之復之官。夏采五色翟羽也。復者人之終也。體魄降于地。魂氣無不之。以乎時所服之冕服。呼而招之。莫其魂氣之識。其服附于形體而復生也。此非常事。設一官以掌之。生事盡而死事始也。

論 御案曰王之宮寢內外起居飲食無一不關於冢宰直

至君之身終而師保之責猶無已焉。此天官之屬所以終于夏采也歟。

總論

御案曰。冢宰貳王統百官均四海。而諸官所掌不越居處服御賸賦絲枲之事。此聖人之議道自己者也。蓋飲食男女人之大欲存焉。自公卿以下至于庶人。或有所制而不敢縱。或有所求而不得逞。若尊爲天子。富有四海。何求而不應。何憚而不爲哉。以是大欲而勢足以恢其邪心。于以治天下國家焉。不知其可也。周公知百官之得其統。四海之得其地。其要在王身。是故先以宮室安其身焉。次以

飲食理其體焉。繼以賦式。節其用焉。終以內宮佐其德焉。析其事。則至織至悉。若無關於政治之要。而觀其用意。本未兼脩。內外交飭。以正君身。其至醇至備者乎。一之以大宰之權。分之以小宰內宰之任。一起居。一飲食。一貨用。一採擇。進御多寡。豐約用舍。去取大臣皆得與聞之。而天子不得以自私。女子小人不得以蠱惑。而司是職者。又必名德之選。是以士智之君安焉。而益聖。中材之主守焉。而寡過。蓋正心誠意之實功。而治天下國家之本統。

易氏祓曰。大學治平之道。本于齊家修身正心。三者萬化之所從出也。今自天官論之大宰卿一人而兼之以三公。

則論道經邦燮理陰陽有以格人主之非心小宰掌建邦之宮刑而正其治于宮闈之間宰夫掌王及三公六卿大夫羣吏之位而正其位于朝廷之上以至宮正宮伯所掌之官府士庶子凡在王所罔非正人使之日聞正言見正行以輔成君德罔所以爲正心之端也自膳夫而下主膳羞爨烹之味甸師而下主禽獸魚腊之獻醫師而下主飲食調和之方酒正而下主酒漿醢醢之物宮人而下主宮舍幕帟之儀使人主慎其所以養之者而已舉天下之財雖曰王之膳服不會而總于大宰者莫不有一定之式王府掌其器物內府掌其貨賄外府掌其邦布之出入皆在灋式以行之及其用之則司會會其財司書掌其書職內以下莫不惟灋式之是守使人主不以天下自利而常有以厚天下之利又所以爲脩身之端也人主親公卿大夫之時少親宦官宮妾之時多故皆以灋裁之夫人不列于官九嬪世婦女御不著其數以見王者嚴于內官之選苟不過取而輕擇內宰下大夫之外如內小臣典婦功絲枲縫柴追屨之官亦皆上士中士下士爲之小夫僉壬不得廁迹其間閹寺之徒曾不數十固大異于後世之鳴瑞曳

組。含天憲而握王爵者。又所以爲齊家之端也。宮闈朝署
事均一體。大宰皆得以道揆之。上下有總攝之政。內外無
壅隔之疑。此大宰佐王之長者。聖
人治國乎天下之本于此見矣。